

SEBASTIANI NIEMANNI,

SS. Th. D. P. P. & Superint.

DISSERTATIO THEOLOGICA

DE

MIRACULIS,

Utrum ex illis doctrinæ vel Ecclesiæ

Pontificiæ veritas probari possit.

Pro supremo in Theologia gradu consequendo

Anno cIdo Idc LV.

habita

Nunc verò nonnihil aucta & recusa.



BIBLIOTECA NAZ.
ROMA
VITTORIO EMANUELE

GENÆ,

Impensis JOHANNIS BIELKII,

cIdo Idc LXX.



DE MIRACULIS,
UTRUM EX ILLIS DOCTRINÆ VEL
ECCLESIAE PONTIFICIAE VERITAS
PROBARI POSSIT.

THESIS. I.

Nec alia multa, quibus Pontificii veritatem doctrinae & Ecclesiae suae demonstrare conantur, non postremum locum obtinent Miracula, quae magno numero in sua, nulla vero in nostra Ecclesia fieri jactitant, & inde suam Ecclesiam ac doctrinam veram, nostram autem falsam esse satis audacter inferunt. *Sentendum est*, inquit Adamus Conzenius *Comment. in cap. XXIV. Matth. v. 24 quest. 2. §. 1. illam veram Ecclesiam non esse, in qua nulla eduntur miracula.* Et paulò post: *Catholici divinam cum bonitate potentiam & cum severitate iustitiam conjunctam laudant, quod Ecclesia Catholica ministris dederit potestatem miracula doctrinam consignandi, haeretici negant.* Apud Catholicos est individua signorum & doctrinae conjunctio, apud eos falsa doctrina, nulla signa. Ideò nulla auctoritas doctrina, nulla reverentia ministris, quia nullum est veritatis sigillum. Similia habet Comm. in cap. XII. *Joh. v. 12. q. 1. §. 3. & v. 13. 14 q. 1. §. 2.* Ante eum Jesuita Malonatus *Comm. in cap. VII. Matth. v. 22.* cum necessariam dixisset illam consequentiam, quae concluditur, in qua miracula nulla fiant, eam veram Ecclesiam esse non posse, quia summus, Christum Ecclesiae suae potestatem ad facienda miracula dedisse, addit: *Itaque recte hinc probare possumus, Lu-*

hereticorum & ceteras eorum, qui hodie regnant, hereticorum congregationes non veras Ecclesias, sed synagogas esse Satana, quia in nullâ earum ullum unquam miraculū visum est. Perinde Cardinalis Baronius Tom. I. An. ad an. Chr. 34. n. 213. Miracula inquit, sunt signa quadam firmiter inherētia vera Christi Ecclesiæ, quibus eadem ab hereticorum conventibus, Satana synagogis, distinguitur. Qui plura ejusmodi Pontificiorum effata & argumenta videre cupit, is adeat Bell. Tom. II. Contr. l. IV. cap. 14. Becan. Manual. Contr. lib. I. cap. 3. n. 53. Tanner. Tom. I. Theol. Schol. dis. 1. de fide q. 3. dub. 4. n. 216. Keller. Tom. I. Cathol. Pædagog. art. II c. 2. §. 26. Valer. Magnus lib. I. de Catholicorum Reg. cred. c. 2. 19. 35. & alios.

II. Sanè Valerianus, quem ultimo loco nominavimus, huic argumento à miraculis desumpto tantum tribuit, ut illud datum jugiter de cælo dicat, adversum quod nulla altitudo intellectus, nulla humana potentia, nec porta inferi prævalere possunt. Quantum verò illi roboris insit, in præsentia considerare lubet. Priusquam verò eò descendamus, non abs re erit quædam de miraculis in genere, quantum instituti nostri ratio patitur, præmittere.

III. Dicuntur *Miracula* à mirando, quia spectatores insolitâ novitate sua in admirationem rapiunt: Sunt enim maxime mirabilia, quæ maxime imperata ut ait Plinius junior lib. IX. Epist. 10. Sic principes Sacerdotum & Scribæ, cum cæcos ac claudos à Christo in templo sanari viderant, ταύτα θαυμάσια mirabilia sive miranda videri dicuntur Matth. XXI. 15. Quia alio nomine nunc τρεῖς, nunc ὀκτώ, nunc ἑξῆς, nunc δώδεκας, nunc δώδεκας ὀκτὼ καὶ τρεῖς passim in N. T. vocantur.

IV. Non uno autem modo *miraculi* vox usurpatur. I. enim miracula appellari amant insolita quædam & admiranda tam artis quam naturæ opera. Ita septem mundi ætate

tae dicuntur Plinio *lib. XXXI. Nat. Hist. cap. 5.* quæ non nisi celeberrimorum artificum rara & eximia opera erant: & Valerius Max. *l. 1. de factorumq. memor. cap. 8.* miracula innumerat, quod Prusæ Regis Bithyniæ Filius pro superiori ordine dentium unum os æqualiter extentum habuit, & quod Dripetis Mithridatis filia duplici ordine dentium decorata fuit, quæ tamen Valerius ipse pro ludibrio tantum naturæ habet. 2. Miracula dici consueverunt opera infante, quæ Angeli aut homines siue boni siue mali vel per applicationem agentium naturalium ad passiva modo occulto nobisq. incognito verè producant, vel præstigiis nos fallendo producere videntur. Et hæc Thomæ audiunt miracula quoad nos *part. 1. q. 110. art. 4. ad. 2.* aliis verò Scholasticis mirabilia, quo sensu Augustinus *l. X. confes. c. 35. in spectaculo miracula exhiberi dicit.* Denique 3. Thomas *d. 1. docet, ex hoc dici aliquid miraculum* propriè & simpliciter, *quod fit præter ordinem totius naturæ creatæ.*

V. Miracula ergò propriè & strictè sic dicta erunt opera infanta, quæ præter totius naturæ ordinem fiunt, & promittunt non nisi à DEO produci possunt. *Nam quicquid facit Angelus vel quacunque alia creatura propria virtute, hoc est secundum ordinem naturæ creatæ, & sic propriè loquendo non est miraculum,* inquit Thomas *c. 1. q. 110. art. 4.*

VI. Potest autem aliquid, docente eodem *part. 1. q. 105. a. 8. & l. III. contra gentes c. 101.* præter naturæ ordinem fieri tripliciter. 1. secundum se & quantum ad substantiam facti, ut si duo corpora sint simul in eodem loco, aut si sol retrocedat. 2. non quidem secundum se, sed ratione subjecti, seu, ut Thomas loquitur, non quantum ad id quod fit, sed quantum ad id in quo fit, ut cum mortuus vitæ & cæcus visu donatur: licet enim vitæ & visus secundum se naturalis ordinis sint, & aliis per naturam producantur, in mortuo tamen

vitam, & in cœco visum producere excedit universæ naturæ creatæ ordinem. III. deniq; quædam fieri dicuntur præter ordinem naturæ, non quòd simpliciter & secundum se, vel etiam in illo subjecto, in quo fiunt, per naturam produci nequeant; sed quòd productionis *modus* naturæ ordinem & vires excedat, sicut v. g. ab ægrotante morbum depelli nec secundum se nec ratione subjecti excedit naturæ ordinem; verum in momento absque ullis adhibitis remediis v. g. paralyticum solo verbo à paralyti *Matth. IX. 6. 7.* febriçantem solo manus attractu à febre liberari *cap. XIX. 15.* id verò præter naturam & miraculum est.

VII. Et in hoc Pontifici hodiè cum Thomâ consensunt, atque pro miraculis agnoscunt, quæcunque tali aliquo modo naturæ ordinem excedunt; Quæ verò secus sese habent, ex miraculorum propriè dictorum censu excludunt omnia. Unde in sequentibus eodem sensu *miraculis* vocemur.

II. Ante omnia autem probè dispiciendum erit, quantum Pontifici miraculis tribuant in probanda veritate Ecclesiæ aut doctrinæ suæ, ne alienam sibi incotem alingi jure conqueri possint.

IX. Bellarminus miracula refert inter notas veræ Ecclesiæ, quæ eam discernunt ab omni falsa religione Paganorum, Judæorum & hæreticorum. Harum enim cum quindecim recenseat, inter illas undecimam notam facit gloriam miraculorum, uti videre est *Tom. II. Controv. lib. II. c. 14.* Monuerat verò præcedente *cap. 8.* cum de notis Ecclesiæ ex sua mente agere inciperet, notas hasce non quidem efficere evidenter verum, Ecclesiam Pontificiam esse veram Ecclesiam, attamen efficere id evidenter credibile. Vocat autem id *evidenter verum*, quod vel in se vel in suis principiis videtur v. g. Si iudex videat hominem à latrone occisi, vel

lethaliter vulnerari & postea mori, dicitur habere evidenti-
 am veritatis, quod iste latro sit homicida. Contrà *eviden-*
ter credibile dicit, quod non videtur, nec in se, nec in suis
 principiis, habet tamen tot ac tanta testimonia, ut quilibet
 vir prudens meritò id credere debeat. e. g. Si iudex eadem
 fieri ipse non videat, sed habeat viginti testes viros gravissi-
 mos, qui affirmant se vidisse, dicitur habere evidenti-
 am credibilitatis, quia, si prudenter agere velit, propter tot ac
 tam gravia testimonia meritò credere debet, hominem à
 latrone fuisse occisum, etiamsi ipse oculis suis id non vi-
 derit.

X. Secundum Bellarminum itaque, ut cæteræ ab ipso
 enumeratæ notæ, ita etiam miracula non faciunt evidenti-
 am veritatis, sed tantum evidenti-
 am credibilitatis, seu,
 quod idem est, sunt tam gravia & fide digna testimonia ac
 signa, ut, qui ea videt, si prudenter agere velit, meritò cre-
 dere debeat, tam Ecclesiam esse veram, in qua miracula
 fiunt. Addit autem Bellarminus, apud eos, qui admittunt
 Scripturas divinas, illa facere etiam evidenti-
 am veritatis, non quidem absolute sed ex hypothesi, supposità scilicet ve-
 ritate Scripturarum: quod enim ex Scripturis evidenter de-
 ducitur, id esse evidenter verum suppositis Scripturis.
 Memini etiam, si quidem illam rectè assequutus sum, est: ad-
 mitta Scriptura, tanquam principio, ex quo probari debeat
 Ecclesiæ veritas, miracula, quæ in aliqua Ecclesia fiunt
 (perinde ut reliquas notas, etiam evidenter verum effice-
 re, istam Ecclesiam esse veram, quia scil. Scriptura asserit,
 tam Ecclesiam, in qua videntur miracula, esse veram Eccle-
 siam. Videatur ipse Bellarminus *l. c. cap. 3. & 14.*

XI. Idem quoad rem cum Bellarmino sentit Suarez
de trip. vult. Theol. disp. 19. de fide. Docuerat enim *sect. 2.*
 ad sufficientem objecti fidei propositionem non satis esse,

objectum utcumque proponi tanquam dictum siue revelatum à Deo, sed necessarium esse, ita proponi, ut prudenter & evidenter fiat credibile, tanquam dictum à Deo, imò etiam, ut fiat evidenter credibilius quocunque alio objecto siue doctrinà sibi repugnante; nec hoc solum, sed & requiri evidentiam, quòd secundum rationem naturalem tale objectum sit credendum, & talis fides sit præferenda cuicunque opinioni contrariæ. Postquam verò hæc ita, ut diximus, tradiderat, *seq. sect. 3.* ostendere conatur, totum hoc perfectissimè inveniri in fide Catholica, i. e. Romanæ Ecclesiæ, & in hanc rem tria principalia motiva huius credibilitatis affert, quorum tertium constituunt miracula, quæ non solum in principio Ecclesiæ facta esse, sed ad sua quoque tempora perdurare, ab hæreticis verò nulla fieri asserit. Unde tandem colligit *sect. IV. n. 15. hæresiorum doctrinam non esse divinam, evidens verò esse, non solum Romanam fidem esse credibiliorem, sed etiam solam illam esse credibilem.*

XII. Ex eo autem, quòd vera fides & doctrina dicto modo potest fieri evidenter credibilis, infra *disp. IX. sect. 9. n. 3.* idem Suarez probat, fieri posse evidenter credibile, quænam hominum congregatio sit vera Christi Ecclesia. Supponendum est, inquit, illam esse veram Christi Ecclesiam, qua veram Christi doctrinam integrè & sine errore credit ac prædicat, fieri autem potest evidenter credibile, qua sit vera fides & doctrina, ut supra ostensum est *disput. 4. sectione 3.* prætereaq; evidenter constare, quænam congregatio illam doctrinam profiteatur & credat, hoc enim ad sensum constare potest. Est siquidem non solum evidenter credibile, sed vere etiam evidenter verum, ab ea congregatione vere tenens doctrinam illam, quam exterius omnia membra oris confessione, & Dei cultu & obedientia profitentur. Et paulò

Id pōst n. 4. ex eodem fundamento probare vult, evidenter credibile, ac, positis nonnullis fidei principiis, evidenter verum esse, hanc congregationem, quæ tempore Suarezii sub obedientia Gregorii XIV. in fide Christi & Petri ita loquūtur Suarez existeret, esse veram Ecclesiam. *Est conclusio*, ait, *mihi certa, quæ sufficiens probari posses illa signa vera doctrina & fidei, quæ supra adducta sunt*: (Intellegit autem illa motiva credibilitatis, quorum *ih. preced.* mentio facta est) *parebit enim evidenter legentis illa signa solum reperiri in ea doctrina, quam Ecclesia Romana profetur* (quod infra n. 9. in specie de dono miraculorum affirmat) *Unde et tem evidentiā concluditur, hanc esse veram Ecclesiam*. His Suarez, cujus ut & Bellarmini vestigia hac in parte percipiunt Tanner. *Tom. III. Th. Schol. diffus. 1. quæst. 3. dub. 4. n. 211. seqq.* Becan. *Theol. Schol. part. II. Tom poster. cap. 27. §. 1. & 4* & *Tom. I. opusc. de circ. Calvin. num. 27.* Speculum Brandenb. *part. III. cap. 9. §. 1.* Walenburchii *Memo II. cap. 10.* Henr. Wangnereck in *Anti-Dorscheo part. I. cap. 1. §. 4* & alii.

XIII. Cum vero evidentia triplex statui soleat, moralis, physica, & metaphysica, docente Petro Hurt. de Mendoza *divus. III. de Anima sec. 3.* sciendum, Pontificios illam evidentiam credibilitatis, quam motiva, inter quæ & miracula numerant, parere dicuntur, habere quidem pro evidentia morali, uti constat ex Mendoza *loc. cit. §. 9.* & Wangnereckio *p. 1. §. 9. n. 10.* non tamen pro mere humana, sed superioris & perfectioris, & quæ tali, quæ non minus, imo magis infallibilis & evidens sit, quam ista evidentia divinitatæ, quæ ex creaturæ immediate conspicitur, & gentiles, qui Deum unum & verum non agnoscunt, reddit inexcusabiles; imò quæ tanta sit, ut, qui motivis huius inducti credunt id, ad quod credendum motiva proposita fuerunt, confidenter ad DEum dī-

cere

cere possint cum Richardo de S. Victore lib. 1. de Trin. cap. 2. Si error est, quem credimus, à te decepti sumus: is enim finis doctrina hac confirmata est, quæ, nisi à te, fieri non potuerunt, ut videre licet apud Suar. disput. IV. de fide sect. 3. num. 12. & sect. 5. num. 2. Wangnereckium in Anti-Dorscheo part. 1. cap. 1. §. 2. num. 10. §. 8. num. 27. §. 9. num. 29. & cap. 2. §. 1. num. 43. Unde Wangnereckius part. 1. §. 9. n. 30. ait, qualiacunque motiva ad persuadendam fidei credibilitatem proponantur, debere hic & nunc in ordine ad hominem esse talia, quæ omnem dubitationem tollant, eisque persuadeant, esse infallibiliter sive evidenter credibile, quod est, quæ sic proponuntur vel confirmantur, sint à Deo revelata, ad eoque se teneri illis assentiri propter divinam revelationem sibi evidenter factam credibilem. In quo ducis sui Suareii vestigia sequitur, qui eundem cit. disp. sect. 2. num. 7. ex Thomâ docuerat, factâ sufficiente propositione objecti fidei, ipsam rationem naturalem splendere, talia credibilia esse credenda, & consequenter infidelitatem positivam remotè & quasi radicaliter esse contrà rationem naturalem dictantem credendum esse, quod Deus dicit, & credendum esse dici à Deo, id quod nomine & virtute eius sufficienter proponitur.

XIV. Ex hisce igitur haut difficulter intelligitur, quid in hac controversia sibi velit Pontificiis. Nempe, ut duplex ex eorum mente datur evidentia, res scilicet & credibilitas, ita assertionem de veritate Ecclesiæ suæ utriusque hanc evidentiam ex miraculis sibi allatant, & quidem evidentiam res respectu illorum, qui divinam Scripturæ Sacræ auctoritatem admittunt, et de istam vero credibilitatem, respectu illorum quoque, qui Scripturam S. pro verbo Dei non agnoscunt: seu, quod eodem recidit, volunt ex miraculis probare, assertionem hanc, quod Pontificia Ecclesia vera Ecclesia sit, esse evidenter veram istis, qui Scripturam admittunt;

rant; evidenter credibilem autem illis etiam, qui Scripturæ veritatem rejiciunt.

XV. Ceterum, ut clarius constet, quid de hac Pontificiorum sententia judicandum sit, notari debet, illos rationem & vim probandi, quam miraculis in præsentī negotio tribuunt, ab ipsa eorum natura accersere. Sunt enim miracula, ut antè dictum, opera insolita, quæ totius naturæ creaturæ vires excedunt, adeoque à solo DEO fieri possunt, secundum illud Ps. LXI. *Benedictus Dominus Deus, Deus Israel, qui facit miracula solus, o nom. Jevuaria mōv*, ut vertunt LXX. *Quare quod miraculo confirmatur, Dei testimonio confirmatur, Deus autem non potest esse testis mendacis, igitur quod miraculo confirmatur, verum sit necesse est, verba sunt Bellarmini Rom. II. Contr. lib. IV. cap. 14. Quod pertinet illud Scoti in II. sent. dist. 23. Dicitur naturaliter ratio, quod Deus non adest falsitati alicujus operando miracula ad falsa alicujus prædicata vel dicta.* Et hoc ceu unico fundamento rationem suam à miraculis petitam inniti assentunt Conzenius *Comm. in cap. V. Joh. v. 36. & Spec. Brandeb. part. III. c. 9 §. 1.*

XVI. Quod si verò ratio probandi à miraculis petita ad præsentem questionem de Ecclesia Pontificia, an vera Ecclesia sit, accommodari debeat, necesse est, ut medium contentius questionis in legitima figura & modo constitatur & talis proveniat Syllogismus:

In qua Ecclesia fiunt miracula stricte & propriè sic dicta, illa est vera Christi Ecclesia.

Alqui in Ecclesia Pontificia fiunt miracula stricte & propriè sic dicta.

E. Ecclesia Pontificia est vera Christi Ecclesia.

Hanc conclusionem volunt Adversarii vi præmissarum esse

evidenter veram illis, qui Scripturam pro DEI verbo & infallibili fidei principio agnoscunt, evidenter autem credibilem etiam iis, qui Scripturam non admittunt. De utroque nunc nobis agendum erit.

XVII. Cum primis autem hic advertendum est, quod, ut aliàs semper, ita & in proposito argumento, evidentiæ conclusionis dependeat ab evidentiæ connexionis extremorum cum medio, seu, quod idem est, ab evidentiæ præmissarum, ita, ut quanta hæc est, tanta etiam illa sit. Si igitur conclusio dicti argumenti vi præmissarum debet esse vel evidenter vera, vel evidenter credibilis, necesse erit, ut utraque etiam præmissarum talis sit, nempe evidenter vera, si conclusio evidenter vera; evidenter credibilis autem, si conclusio evidenter credibilis esse debeat. Nam si alterutra earum hæc evidentiæ destituatur, nec conclusio evidens esse poterit: hæc enim in ratione evidentiæ etiam sequitur partem debiliorem; debitor autem pars inter præmissas dicitur, quæ inevidens est, ut et ipsismet adversarii in re simili rectè docent Suarez *disp. 17. de fide sect. 4. num. 6.* & Walenburchii Fratres in *Methodo Augustin. part. II. cap. 4. n. 186. & 189.*

XIIX. Quæ si ad Pontificiorum argumentum supra *ch. XII. propositum* applicentur, in propatulo erit, quid de eo sit sentiendum. Nimirum utut majoris propositionis evidentiæ in dubium vocare nolimus, minorem tamen tantum abest ut evidenter credibilem, & suppositâ Scripturæ autoritate evidenter veram esse hætenus evicerint Adversarii, ut potius omni probatione solidâ destituti nobis persuasissimum fecerint, eam nec credibilem esse nec veram. Quod cuiuslibet facile patebit, qui rem paulo diligentius secum perpendat.

XIX. Duo autem circa dictam minorem veniunt in-
 quæstionem, quæ Pontificiis probanda incumbunt. *Unum:*
 an opera ista, quæ pro miraculis venditantur, verè facta sint
 aut fiant in Papatu? *Alterum:* an propriè & strictè sic dicta
 miracula sint?

XX. *Prior* est quæstio facti, ut loquuntur, quæ quæritur,
 an quæ in Pontificia Ecclesia facta narrantur mirabilia, re-
 verè ita facta sint, prout vel olim facta, vel hodiè fieri me-
 morantur? cuius affirmativam nobis evidenter probare
 non possunt Adversarii, nisi nostro in conspectu talia opera
 faciant, nobisque permittant, ut singulas eorum circum-
 stantias attente exploremus & ponderemus, sicut Christum
 fecisse legimus, cum v. g. in medio Judæorum Lazarum jam
 mortuum in vitam revocaret, aut paralyticum sanaret, aliave
 plura miracula ederet. Et ratio hujus rei est in promptu.
 Nam singularium factorum demonstratio nulla datur nisi
 ad sensum, nec potest eorum evidens cognitio aliter habe-
 ri, quàm cum sensibus obijciuntur. Hoc itaque si præstite-
 rint Pontificii & ad sensum manifestum fecerint, sua, quæ
 jactitant, miracula non esse conficta, sed verè fieri, tunc ad
 alteram quæstionem erit progrediendum & aliùs expen-
 dendum, an propriè dicta miracula sint? & ubi de hoc quo-
 que evidenter constiterit, fatebimur, quod olim de miracu-
 lo Petri & Joanne facto nolentes volentes fateri coge-
 bantur Principes & Seniores Hierosolymitani dicentes:
*Conspicuum signum editum esse per eos, omnibus nobis mani-
 festum est, nec possumus infirmari. Act. IV, 16* Idò verò proban-
 di genere, quod omnium foret efficacissimum, ut uteren-
 tur Adversarii, hætenus adduci non potuerunt, sed loco
 epu vel miracula in Indiis ipsaque adeò Japoniâ facta an fi-
 cta dicam? crepare malunt, antiqui istius: *Hic Rhodus, hic*

salutem, parùm memores; vel, si in locis nobis vicinioribus quædam ostendunt, circà quæ miracula facta perhibentur, v. g. hostias in carnem mutatas, demortuorum Sanctorum incorrupta corpora & id genus alia, ea in abditis sive tumulis sive capsulis reposita habent, à quibus profanum scilicet vulgus arcent, neminique copiam ea contrectandi aut accuratius perscrutandi faciunt: An quia miraculis suis, ut alias *majestati*, *maiores* è *longinquo reverentiam* fore sperant? an verò, quia hoc mantello fraudes & mendacia sine perpluant, probè tecta & occultata esse existimant? Ità est profectò: *Noli enim non dari sunt, nisi astu colas, sed malum maximum, si id palam provenit*, ut ille apud Plautum ait *Capr. Act. II. sc. 1.* Palam autem proventus plurimas fraudes & fallacias, si nova ista circumdubendi artificia propius intueri & rimari nobis liceret, nullus dubito

XXI. Neque est, quod dicant Adversarii, tamen evidentiā facti in questione de miraculis non prolinus absolute probare, ex hypothesi tamen & supposito Scripturæ autoritate sese eam evincere velle. Nam de eo, in executione opera illa, quæ in Papam fieri dicuntur & pro miraculis venditantur, in Scripturâ S. *adi 2^o extat*, nec apparet, quæ consequentiæ lege normantis partis evidentiā exinde sint monstratori. Mente ergò mino, quantum ad hoc, non solum absolute & simpliciter, sed etiam nolius Scripturæ autoritatem admittentibus invidens, quomodo ad hoc in conspectu Adversarii nulla edunt miracula.

XXII. Videamus porrò anne evidentiā credibilitatis ita evincere possint, ut *cuiuslibet viro prudentis*, si vel maxime Scripturam non admittet, *tate eidenter credibile*, an Ecclesiastica Pontificia illa miracula facta esse vel etiam non fieri.

XXIII. Hanc evidentiā cum evincere cōtinuatur,

currunt ad testimonium humanum. Proferunt enim Scriptores oppidò multos, qui ea, ad quæ provocant, miracula in Pontificia Ecclesia facta esse testantur, eorumque testimonia existimant sufficientia esse ad evidentiam hanc credibilitatis efficiendam, perinde ac viginti hominum fide dignorum testimonia sufficiunt iudici, ut ipsi fiat evidenter credibile, Amasam v. g. a Joabo fuisse interfectum. Si quis verò testium istorum fidem suspectam habere velit, actum esse clamitant de omni certitudine rerum gestarum, quam ex probatorum Historicorum monumentis habemus, eademque immò majori facilitate in dubium vocari aut negari posse, unquam in rerum naturâ fuisse Ciceronem vel Pompejum: quemadmodum enim hoc nititur auctoritate Historicorum Ethnicorum, ita miraculorum suorum veritatem auctoritate & testimonio Scriptorum Ecclesiasticorum nitentur. Videatur Spec. Brand. *part. III. c. 9. §. 2.*

XXIV. Equidem differri nolum, argumento à testimonio probatorum Auctorum petito multum tribuendum, neque remitti eorum fidem in dubium vocandam esse; hisce tamen Scriptoribus, quos testes adducunt Pontificii, quomodoque providens fidem adhibere possit, multa obstant.

XXV. Ex i. quidem, quod testes, quorum auctoritate sua miracula sciunt, vel insuli monachi aut sacrificuli fuerunt, qui sive live sive in perditionis in rudi popello augentur è multo olo suo cerebello tot miraculorum monstra contulerunt: vel si qui viri docti fuerunt, ingenio ad adolorem totam populum stabilendam abuti sunt, falsò persuasi, se gratum Deo obsequium aduros, si prius, quas vocant, fraudum devotionem simpliciter plebecula excitare, aut Ecclesia religionique sue auctoritatem conciliare studerent,

XXVI. In hanc autem suspicionem, quam forsan præter causam nos fovere quis regeret, meritò nos adducunt crassa nimis & propudiosa commenta ab autoribus istis in miraculorum catalogum tam impudenter relata, ut ipsis met emunctioris naris Pontificiis fidem suam dudum suspectam reddiderint. *Nostri plerique*, inquit Melchior Canus Canariensis Episcopus *Lib. XI. LL. Theol. cap. 6. in describendis sanctorum vitis vel affectibus inserviunt, vel de industria quoque ita multa consingunt, ut eorum me nimirum non solum pudeat, sed etiam tædeat.* — Certum est autem, totam eorum narrationem inventam esse, aut ad quæstum, aut ad errorem, quorum alterum factum est, alterum perniciosum. Et aliquantò post: *Ecclesie Christi hi vehementer incommodant, qui res Divorum præclare gestas non se putant egregie expositu-ros, nisi eas fictis & revelationibus & miraculis adornarint.* Ante eum Marsilius Ficinus *lib. de relig. Christ. cap. 10* eorundem hominum meminerat, eosque admodum detestabiles dixerat, qui imitatione verorum falsa prodigia introducunt. Johannes Lud. Vives *lib. II de verit. fid. Christ* illos execrabiles & Satanae similes vocat, qui in templis Divorum fingunt miracula propter quæstum. Similiter Erasmus censurâ in *libb. Retract. & Confes. D. Augustini.* Quid istos memorem, inquit, qui fabulis impudenter vanis & confictis miraculis memoriam eorum, quibus favent, student vulgo commendare, nonnunquam ea laudantes, quæ laudari nec fecit nec probavit? Et arbitror fuisse, qui pium existimarint huiusmodi fucis animos ad religionis studium accendere. Ego pestilens hoc rabularum genus inter Christianos semper sum execratus, qui neque si iunt vera pietatis imaginem adumbrare, quod nemo novit nisi verè pius, quales si essent illi, nunquam talibus mendacis fallerent discipulos illius, qui veritas est,

*est, & huiusmodi technis hoc efficiunt, ut nec vera narranti-
bus habeatur fides.* Eadem & aliorum querela est de futili-
bus hisce miraculorum fabricatoribus, quibus ut credat
vir prudens, quo jure exigi possit, cum ipsis etiam saniori-
bus Pontificiis illorum fides laborare videatur, equidem
non percipio.

XXVII. Dicis: Licet aliqua ab autoribus istis enarra-
ta miracula pro figmentis habuerint Viri docti, nondum ta-
men sequitur, omnia esse conficta, aut propter admixta,
commixta omnem statim fidem autoribus istis denegan-
dam esse.

XXVIII. Respondeo. Quos semel mendacii manife-
stos teneo, de iis qui certus esse possum, quod in ceteris
non mentiantur? praesertim cum quae causa ipsos ad unum
alterumve miraculum fingendum induxerunt, eadem illos
impellere potuerint, ut reliqua etiam confingerent. *Hu-
iusmodi technis hoc efficiunt ut nec vera narrantibus habe-
atur fides,* modo dicentem Erasmus audivimus. Manet
igitur, vel huc de causa eorum auctoritatem tantam non es-
se, in ad evidentiam credibilitatis generandam sufficere
posse.

XXIX. Alii, quamvis non à se conficta, talia tamen
narrantur, quae nunquam sibi ipsis visa, sed ab aliis
tantum audita merunt. Ita v. g. famosum istud Pontificio-
rum commentum de cubiculo B. Virginis Nazarethà in a-
grum Lauretanum, ubi hodièque ostenditur, per angelos
miraculose transportato, (de quo lege Baron. *Tom. I. An-
not. ad an. Christi IX* fide & auctoritate Teremani Parochi
Lauretani nuntii, qui historiam hanc s. fabulam potius
descriptam reliquit in tabula, quae in templo Lauretano
affixa & a Cl. Berneggero *in laelo suo Lauretano Cap. I. le-
gen-*

genda proposita est. Si quæras, unde hæc habeat Teremans, & utrum miraculosæ hujus transportationis autem fuerit? Respondet ipse in modò dicta tabula: *In horum omnium fidem & testimonium mihi Præposito Teremano & gubernatori prænuntiata Ecclesia, quidam duo boni Viri, hujus villa habitatores, retulerunt ac nuntiaverunt, & pluribus vicibus dixerunt. Unus vocabatur Paulus Renaldatus: & alius, Franciscus, aliàs Prior. Et dictus Paulus dixit mihi, quod avus avi ejus vidit, quando Angeli duxerunt prædictam Ecclesiam per mare: & posuerunt illam in dictâ sylva: & pluribus vicibus ipse cum cæteris personis ipsam Ecclesiam in prælibatâ sylvâ visitavit. Item dictus Franciscus multoties retulit ac dixit mihi, quod avus ejus, qui erat centum viginti annorum, dixit, quod pluribus vicibus visitavit dictam Ecclesiam in eadem sylvâ. Et pari modo ipse Franciscus retulit atque dixit mihi per plures vias, &c. Ad eundem modum Lipsius, licet densam miraculorum aciem instruat in Div. suâ Hallensi & Sichelmiensi, nullum tamen eorum ipse vidit, sed ex archæis, nescio quibus, se ea hausisse scribit c. 6. Div. Hal. intendam etiam ad bonorum senum testimonia provocasse in re tam ardua ipsi satis est. c. 4. Div. Aspernol. Quantum vero fidei auribus hisce testibus tribuendum sit, vel illud Comici docet: *Fidus est oculatus testis unus, quam auribus decem. Qui vident, audita dicunt, qui vident, plant faciunt, & illud Salmeronis, hominis Pontifici Tom. I. l. 40. Constat certiorem aure arbitrum esse oculum.**

XXX. Obstat 3. quòd donum miraculorum, licet initio, cum plantanda esset Ecclesia, necessarium fuerit ad persuadendam fidem Christianam, postea tamen, farentibus non solum antiquissimis Patribus, sed & multis Posterioribus Scriptoribus, in Ecclesiâ Christianâ cessavit.

XXXI. In

esse potest Augustinus, cujus verba hæc de re satis clara sunt
libr. de verâ religione cap. 25. Accepimus, inquit, majores no-
stros eo gradu, quo à temporalibus ad æterna conscenditur, vi-
sibilia miracula, non enim aliter poterant, secutos esse: per
quos id actum est, ut necessaria non essent posteris. Cum e-
nim Ecclesia Catholica per totum orbem diffusa atque funda-
ta sit, nec miracula illa in nostra tempora durare permissa
sunt, ne animus semper visibilia quæreret, & eorum consuetu-
dine frigeret genus humanum, quorum novitate flagra-
vit. Et serm. XIIII. de verbis Domini (quem Augustini
esse faciliè concedent Pontificii) Nemo, fratres, dicat, non
facere miracula modo Dominum nostrum Jesum Christum, &
propter hoc presentibus Ecclesie temporibus priora prapone-
re. Quodam quippe loco ipse Dominus videntibus & ided
credentibus praponebat eos, qui non vident & credunt.— Et
quid Dominus illi consentienti ac dicenti, Dominus meus &
DEUS meus? Quia vidisti, inquit, credidisti: beati qui
non viderunt, & crediderunt. Quos dixit, fratres, nisi
nos? Non quia solos nos, sed & post nos. Post parvum e-
nim tempus, posteaquam ab oculis mortalibus recessit, ut fir-
maretur fides in cordibus, quicumque crediderunt, non vi-
dentes crediderunt, & magnum meritum habuit fides eorum:
cui fidei comparanda cor tantum admoventur pium, non &
palpantem manum. Hæc ergo fecit Dominus, ut invitaret
ad fidem. Hæc fides nunc fervet in Ecclesia toto orbe distu-
sa. Et nunc majores sanitates operatur, propter quas non
est dedignatus tunc exhibere illas minores. Si ut enim ani-
mus melior est corpore: sic & melior salus animi, quam cor-
poris. Modo caro cæca non aperit oculos miraculo Domini, &
cor cæcum aperit oculos sermone Domini. Modo non resur-
git mortale cadaver, resurgit anima, qua mortua jacebat in
vi

vivo cadavere. Modò aures corporis surde non aperiuntur; sed quàm multi habent aures clausas cordis, quæ tamen verbo Dei penetrante pateſcunt. Hisce gemina habet Tract. XVI. in Johan. Illi Judæi ambulantes Dominum Jesum in terra facientemq. miracula, cæcos illuminantem, surdis aures aperiens, mutorum ora solvens, paralyticorum membra stringentem, super mare ambulantem, ventis imperantem & fluctibus, mortuos suscitantem, tanta signa facientem viderunt, & vix inde pauci crediderunt. Populo Dei loquor. Tam multi credidimus, quæ signa vidimus?—Judei fuerunt vel sunt similes Galileis, nos similes illis Samaritanis. Evangelium audivimus, Evangelio consensimus, per Evangelium in Christum credidimus, nulla signa vidimus, nulla exigimus.

Quamvis etiam unus ex duodecim electis & sanctis, tamen israelita fuit, de gente scilicet Domini, Thomas ille, qui in loca vulnerum digitos cupiebat mittere: sic eum arguit Dominus, quomodo istum regulum. Huic dixit, Nisi signa & prodigia videritis non creditis: Illi autem dixit, Quia vidisti, credidisti. Rufus lib. XXII. de Civ. Dei. c. 8. ad quorundam quæstionem: Cur nunc illa miracula, quæ predicatis facta esse, non sunt? respondet: Possem dicere, necessaria fuisse, priusquam crederet mundus, ad hoc ut crederet mundus.

Quisquis tollit prodigia ut credat inquit, magnum est ipse prodigium, qui mundo credente non credit. Hæc omnia Augustinus, cujus plura testimonia apponere placuit, quia novi mirabilioris cum primis illius autoritate in defendendis miraculis suis abuti, quemadmodum infra plurius ostendam.

XXXIII. Præcipitante seculo sexto Gregorius M. Papa I. mil. XX/X. ad eundem modum scribit: Num quidnam fratres mei, quia ista signa (loquitur de miraculis quæ Marc.

XL, 17. 18. recensentur) non facitis, minimè creditis? Sed hæc necessaria in exordio Ecclesiæ fuerunt. Ut enim ad fidem cresceret multitudo credentium, miraculis fuerat nutrienda: quia & nos cum arbuta plantamus, tam diu eis aquam infundimus, quousque ea in terra jam coaluisse videamus, & si semel radicem fixerint, irrigatio cessabit. Hinc est enim quod Paulus dicit: Lingua in signum sunt, non fidelibus, sed infidelibus. Post explicat, quomodo in Ecclesiâ quotidie spiritualiter fiant, quæ olim corporaliter faciebant Apostoli, & tandem ita concludit: Nolite ergò, fratres charissimi, amare signa, quæ possunt cum reprobis haberi communia, sed hæc, quæ modò diximus, charitatis atque pietatis miracula amate, quæ tanto securiora sunt, quanto & occulta, & de quibus apud Dominum eò major sit retributio, quò apud homines minor est gloria. Similia habet hvm. IV. quæ videri poterunt.

XXXIV. Ita de suis temporibus olim loquuti sunt sancti Patres. Audiamus quoque recentiores aliquos Scriptores Pontificios. Marsilius Ficinus *Vir*, teste Bellarmino de *Script. Eccles. Sacra Theologia non vulgariter peritus*, *Opus de Religione Christ. & fidei pietate cap. X.* ita scribit: *Arguendi mihi illi acriter videntur, qui quotidie tam pertinaciter quàm impudenter nova ad fidem Christi confirmandam miracula exigunt. Si enim rara sunt, prodigia sunt: Si frequentissime fierent, vel artificiosa vel naturalia viderentur. Sufficiat nobis scire, mundum olim non absque manifestis miraculis tam miraculose tam miraculosa instituta & opera cepisse & pertulisse. Intelligit autem Christi & Apostolorum miracula, quæ verè facta esse postquam fusiùs probasset, tandem stomachabundus ait: Quid igitur garrimus increduli? quid ulterius proaces efflagitamus? Num quotidie*

(Deo

(Deo magno nobiscum) sub iudice lis est? Num quolibet momento tum singulis nobis, tum posteris, qui similiter quarent, Deus auctoritatem suam redimere miraculis cogitur & tanquam prestigiator aliquis mercenarius in theatrum prodire ad nutum cuiusque compellitur?

XXXV. Alphonsus Salmero non obscuri nominis Jesuita Tom. IV. Comment. Part. I. Tract. 23. Hanc edendi miracula facultatem, inquit, Apostolis & Viris Sanctis initio nascentis Ecclesiae communicavit Dominus, qua, ubi promulgatum est Evangelium toti orbi, vel remissa fuit, vel cessavit. Nec Ecclesia nostra propterea infeliciores censenda est, quam fueris primitiva: nam cum scribit Apostolus: Lingua in signum sunt, non fidelibus, sed infidelibus, frequentia signorum designabat eo tempore multos infirmos & infideles: eorum verò subtractio arguit robur & constantiam fidei. Habet Ecclesia verbum Dei, simul & fructum proferentem ac docentem Spiritum Sanctum, & Sacramenta, in quibus omnia bona nostra sita sunt: & propterea non opus habemus signis. Et Part. II. Tract. 13. Quod si interroges, cur hac potestas signa facienti apostolis collata in predicatorum & Praelatos Ecclesiae, qui item Apostolorum gerunt, non transierit: respondeo — Deus enim non dat nisi pro necessitate vel utilitate magna Ecclesiae. Non verò ejusmodi potestas vel fides (miraculosa) non est necessaria, neque Ecclesia utilis: nam cum signa ad confirmationem fidei fiant, atque illa sit hodie confirmata & indubitata apud omnes, miracula non essent ad utilitatem, sed ad solam curiositatem. Deinde non solum non prodesse fidei, sed illam potius infirmarent: sicut cum quis habet aliquid in iudicio idoneè probatum, si rursus velit idem probare, reddis negotium suum suspectum: quod sanè prudenter non fieret. Ita stultum esset & laboriosum, rem probatam

velle novis probationibus reddere dubiam & controversam: & ita fides dignitatem suam amitteret, & reduceretur ad eum statum, in quo erat, cum nondum confirmata esset. Quod si apud aliquam gentem novis signis confirmaretur fides, idem oporteret apud omnes homines fieri, quia illi, apud quos non confirmaretur, iuste dubitarent, & ita rursus per totum orbem edenda signa nova essent, ut stabiliretur fides, quod periculosum esset & laboriosum, cum sine his fides sit radicatissima, & quod radices jam egit, stultum esset eradicare, ut iterum plantaretur. Ad hac fidei meritum per signa minueretur: constat enim maiorem esse fidem ejus, qui non visis signis crederet. Pluribus hanc rem persequitur idem Salmero Tom. VI. Tract. 1. ubi inter alia eleganti similitudine rem explicat: Sunt, inquit, in Ecclesiastico adificio miracula fultora quaedam lignea, quae, dum construebant Apostoli, molli & tenero operi erigendo necessaria erant; postea verò ad edificio confirmato diruta sunt, cum nulla sit eorum necessitas: sicut peracto adificio corporali, ligna & trabes, quae operi extruendo supponebantur, tolluntur. Qui aliorum etiam Pontificiorum testimonia audire vult, evolvat B. Gerhardi Confess. Cath. l. II. Spec. part. I. art. V. cap. 4. p. 1243. seqq.

XXXVI. Hæc verò cum ita se habent, vel ipsi Adversarii, opinor, intelligunt, non præter causam miracula, quæ in sola Ecclesia sua tanto numero fieri dicunt, cuilibet viro prudenti suspecta, fidemque ea narrantium sublellam videri posse.

XXXVII. Accedit quòd nobis ex Scripturis coulet, novissimis hisce temporibus exorituros esse Doctores mendaces, qui signis & prodigiis mendacibus in errorem seducturi sint, si fieri possit, etiam electos. *Math. XXII, 24. Thes. II. 9.* Non injurià ergò veremur, ne & apalium miraculo-

rum præcones ex istorum Pseudodoctorum numero sint, qui spuria pro veris miraculis nobis obrudere conentur, rectèque facinus, quòd tardam vel nullam potiùs fidem illis adhibemus, memores illius Augustini *Tract. XIII. in Johan.* *Contrà mirabilis hosce cautos nos fecit Deus noster, dicens: In novissimis diebus exsurgent Pseudoprophetae, facientes signa & portenta, ut in errorem inducant, si fieri possit, etiam electos: Ecce prædixi vobis.*

XXXIX. Denique s. haut negligendum videtur, quòd Scriptores isti Pontificii plurima suorum miraculorum ajunt facta esse in confirmationem eorum dogmatum, quorum fallitas è Scripturis manifestè ostendi potest. Cum autem vera miracula in confirmationem falsorum dogmatum fieri nequeant, ceu uno ore Doctores Pontificii farentur, relinquitur, aut non facta esse miranda, quæ deprædicant, opera, aut si quæ facta fuerint, non vera fuisse miracula.

XXXIX. Ex hisce nunc liquidò constare arbitror, fidem & auctoritatem eorum, quos testes miraculorum suorum laudant Pontificii, non esse tantam, quanta requiritur, ut eulliceat viro prudenti evidenter credibile fiat, in Pontificii Ecclesia facta esse, quæ circumferuntur, miracula. Non si vi prudens ea, quæ ad minuendam testium illorum fidem hæcenus adducta sunt, probè ponderet, tantum abest, ut propter eorum testimonia id, quod diximus, evidenter credibile esse judicet, ut potiùs contrarium judicaturus sit, imprudenter scilicet se facturum, si eis fidem habere velit.

XI. Sed plus satis de priori, quod circà minorem argumenti principalis *ch. I. I.* prolatis Pontificiis probandum incumbere diximus. In eo verò probando cum frustra, ut
vidi-

vidimus, hætenus defudàrint, causæ nihil esset, cur de *posteriori* magnoperè simus solliciti, an scilicet opera ista, de quibus in minore sermo est, propriè dicta miracula sint? Quæstio enim hæc præsupponit, opera illa non conficta, sed verè facta esse, & etiamnum fieri, quod tamen nondum probatum est.

XLI. Interim quia in Scripturis, ut paulò ante monuimus, prædictum est, ultimis temporibus Pseudopphetas erronea sua dogmata signis & prodigiis magnis confirmaturos esse, nec rationes defunt, propter quas Papalium miraculorum buccinatores ex illorum numero esse credamus, vero haut absimile videri potest, non omnia, quæ ab illis narrantur, esse figmenta, quamvis plurima conficta esse saniores Pontificii, quorum aliquos supra loquentes audivimus, non inviti largiantur.

XLII. Demus igitur, quædam eorum, quæ narrant, facta esse quoad externam speciem & apparentiam, *nondum tamen evidens est, ea fuisse miracula vera: sapè enim virtute demonis sunt similia prodigia, quæ vix possunt humano modo discerni à veris miraculis, ut constat ex his, quæ operabantur magi in Ægypto Exodi 7. Item ex his, quæ Antichristus operabitur, quæ salia erunt, ut, (si fieri possit) per ea inducantur in errorem etiam electi, ut dicitur Matth. 24. & colligitur ex Apocal. 13. rectè dicimus cum Suarezio Dissut. IV. de fide sect. 3. num. 9.*

XLIII. Hanc igitur difficultatem, quam Suarez ipse dicto loco ita appellat, si tollere velint, necesse est, ut evidenter credibile, & supposità Scripturæ autoritate evidenter verum esse probent, quod opera miranda, quæ in Ecclesia sua fieri narrant, vera & propriè dicta miracula sint: quamdiu enim hoc non præstant, nemini evidenter credibile,

bile, aut suppositâ Scripturæ autoritate evidenter verum reddetur, Ecclesiam Pontificiam esse veram Ecclesiam, ut in præcedentibus jam tum indigitavimus. Utrumque verò facere tentant: quo successu paucis considerabimus.

XLIV. Et 1. quidem, cum in eo occupantur, ut nobis Scripturam S. admittentibus id ipsum evidenter probent, facile vident, Scripturas frustra hic in subsidium vocari. Hæ enim de miraculis Papalibus nihil commemorant, nisi quæ *II. Thes. II, 9. Apoc. XIII, 13, 14.* & in aliis similibus locis legimus; Ea verò talia sunt, ut jugulum potius causæ Adversariorum petant, quàm eam juvent: manifeste namque indicant, miracula ista non vera miracula, sed Satanz opera & præstigas esse. Aliâ itaque viâ rem aggrediuntur, & ad certa quædam indicia confugiunt, quibus vera miracula à falsis discerni suorumque miraculorum veritatem validè probari posse autumant. Bened. Pererius *lib. 1. de magia cap. 8.* talia indicia recenset quinque. 1. *Dignitatem virtutis efficientis.* 2. *Qualitatem eorum qui faciunt.* 3. *Diversitatem factorum.* 4. *Modum faciendi &* 5. *Finem cuius gratiâ sunt.* Suarez verò *l.c.* circumstantias, ex quibus vera miracula à falsis dignoscenda esse docet, hoc ordine enumerat. 1. dicit considerari debere *diuturnitatem effectuum & perseverantiam, qua est magnum indicium veritatis.* 2. *Effectus, per quos talis veritas manifestatur.* 3. *Multitudinem & frequentiam talium effectuum, cum omnibus signis & indicis veritatis, qua esse solent in omnibus rebus, quas præ manibus gerimus.* 4. *Multiplicem modum mirabiliter perant talia signa.* Denique 5. *Finem talium operum.*

XLV. Quanquam verò non simpliciter negamus, in miraculis quandoque singularia dari indicia, ex quibus cer-

id cognosci possit, quòd vera miracula sint; illa tamen indicia evidentem notitiam gignere non possunt, nisi & ipsa sint evidenter cognita; cognosci autem ea evidenter nequeunt, nisi opera ipsa edita fuerint in conspectu eorum, quibus ex indiciis istis miraculorum veritas evidenter monstranda est: quod non obscure innuit Suarez, cum d. l. signatè ait, ex circumstantiis à se adductis *potuisse VI. DENTIBUS evidenter constare evidentiam quãdam naturali, vera esse, quæ agebantur.* Sed ejusmodi indicia in operibus, quæ Pontificii pro miraculis haberi volunt, reperiri & evidenter cognoscenda exhiberi posse illis, quibus miraculorum veritas probanda est, id pernegamus, nec affirmare poterunt Adversarii, qui adeò lucem subterfugiunt, ut sua miracula narrare, quàm præsentibus & videntibus nobis patrare hætenus maluerint.

XLVI. Quod verò speciatim indicia à Pererio adducta concernit, ea non videntur ita certa & clara esse, ut, si probè attendantur, *cuiuslibet* (verba sunt Pererii) *qui sana mentis est, & studiosus veritatis amatorq; virtutis, non difficile futurum sit, vera miracula à falsis discernere,* nisi forsitan aliæ singulares circumstantiæ concurrant, quæ evidenter cognita conjunctim in spectatoribus aliquam gignant evidentiam, quales in Christi miraculis plures l. c. observat Suarez, & nos infra indicaturi sumus. Hoc ut manifestum evadat, de singulis differentem Pererium audiemus.

XLVII. Facit autem ille *primum* indicium, *dignitatem virtutis efficientis*, de quo ita loquitur: *Vera miracula, cum omnis natura creata vim exuperent, solum Dei præstare possunt effici: nam quamvis per Angelos vel servos Dei fieri videantur, illi tamen non agunt virtute sua, sed Dei, cuius sunt administri & tanquam instrumenta.* *Mox autem pe-*
ra

ra sua faciunt, vel virtute quarundam rerum naturalium, quibus utuntur occultè, vel operâ Daemonum, qui clàm magis auxiliantur. Sed utut hæc ita sese habeant, remanet tamen questio, unde sanæ mentis homini & veritatis ac virtutis studioso, qui juxta Pererium inter vera ac falsa miracula discernere potest, certò innotescat, hoc vel istud mirandum opus hic & nunc factum fieri virtute Dei vel virtute naturali, vel daemonum? Sanè si hoc ipsi evidenter constaret, res esset salva; sed quamdiu id incertum est, tamdiu manet dubium, sitne verum miraculum nec ne. Pererius autem tam hic quàm in sequentibus ita loquitur, quasi jam certum sit, mirandum, qui in oculos incurrit, effectum à magis esse factum, quod tamen sæpè juxta cum ignarissimis nescimus.

XLIX. *Secundum* indicium proponit Pererius his verbis: *Vera*, inquit, *miracula licet interdum faciant etiam homines mali; raro tamen, nec nisi ad confirmationem veritatis, & divinæ virtutis declarationem: ferè autem magi homines sunt flagitiosi & malefici, quos proinde divinis humanis legibus consulere & adire prohibemur.* At, eo ipso, quod Pererius concedit, interdum etiam vera miracula fieri a malis, & contrà falsa ab illis, qui non flagitiosè vivunt, eo ipso, inquam, satis prodit, hoc indicium ad discernenda miracula iudiciens non esse.

XLIX. *Quod tertium* attinet, de eo ita differit ille: *Quæ faciunt magi, vel sunt tantum phantastica & simulata, & idcirco diabolica; vel sunt perniciosa, vel inutilia; vera autem miracula sunt opera sancta & vera, utilissima hominibus, & non nisi magna aliqua necessitate & utilitate facta.* Verùm cum non omnia magorum opera sint phantastica, perniciosa vel inutilia, sed quædam eorum sint vera & uti-

lia, v. g. cū ægrotos sanitati restituunt; è diverso autem vera miracula interdum perniciem hominibus inferant, ut in plagis Ægyptiacis videre licet, neque huic indicio multum tribuendum esse patet.

L. Pergit ad *quartum*, scilicet ad *modum faciendi*, de quo hæc ejus sunt verba: *Magi opera sua faciunt, vel per causas naturales, vel ope Daemonum, utuntur multis præstigiis, mendaciis, ludificationibus hominum, figuris, characteribus, verbis vel nihil vel absurda significantibus, aliisque superstitiosis ceremoniis, &c. Nihil tale sancti faciunt edendis miraculis, sed vel interiore vel etiam exteriori supplicatione & invocatione divina virtutis, vel facto signo crucis, vel aliquibus verbis sacris recitatis, miracula operantur.* Resp. Verum quidem est, magos opera sua facere vel per causas naturales, vel ope daemonum, uti item multis præstigiis ac ludificationibus hominum. Sed unde nobis evidenter constat, hæc vel illa miranda opera per causas naturales aut ope daemonum fieri? & unde nobis cognitum est, ea esse præstigias & ludificationes, non autem vera opera? v. g. Tacitus *lib. IV. Hist. cap. 81.* & Suetonius in *Vespas. cap. 7.* inter *miracula* Alexandriæ facta referunt, quòd Vespasianus Imp. cæco oris excremento, quo ipsius genas & oculorum orbes resperferat, vitum, & manu, vel, ut Suetonius narrat, crure ægro, cum pede ipsum calcaisset, manum aut crus restituit: & addit Suetonius, *vix fidem fuisse*, antequam id experiretur Imperator, *rem ullo modo successuram.* Hæc quin ope daemonis peracta fuerint, nullum quidem est dubium, cū monitu Serapidis deastri ægri remedium à Cesare petierint; Nihilo tamen minus spectatores utriusque hoc opus pro vero miraculo habuerunt, ita, ut, *qui interfuerunt*, Taciti quoque tempore illud tanquam singulare & mi-

mirandum opus memorarint, postquam nullum mendaciorum pretium. Unde verò hoc, nisi quòd ignorarint, dæmonis virtute hæc facta fuisse? 2. Quod attinet ad figuras & ceremonias superstitiosas, quas magi adhibent, neque ex illis facta discerni poterunt falsa miracula à veris, cum & in veris miraculis quandoque ceremoniæ usurpatæ fuerint, quæ in hominum oculis poterant superstitiosæ & nihil prorsus ad effectum producendum pertinentes videri, v. g. quando Christus cæco nato visum daturus exspuit in terram, & seculum lutum ex spuito, & ille vit lutum super oculos cæci, Joh. IX, 6, 11, 14. & quando misit digitos suos in aurículas surdi, & spuito emisso tetigit linguam ejus, ingemuit ac dixit: Ephphata, Marc. VII, 33, 34.

II. Denique de quinto, quod finis erat, ita loquitur Pererius: Ad extremum, cur vel Dæmones vel magi faciant illa sua miracula, non est obscurum: nimirum vel lucri, vel gloriæ & honoris cupiditate sibi divinum nomen & cultum auferant; vel ut veritatem pervertant & falsitatem hominibus persuadeant; vel ad patranda maleficia, veluti furta, adulteria, homicidia. Sancti autem faciunt miracula, non sua causa, cum & divitias contemnant, & honores fugiant, sed ut Deum honorent, Ecclesiam ædificent, hominesque non solum corripere, sed multo etiam magis animo juvent. Sed cum finis eductum miraculorum per se sit occultus; in illo etiam casu, ubi ex miraculis de veritate doctrinæ judicari debet, curi nequeat nisi fortè aliunde id constet) unum certatis colligenda an fallitatis persuadendæ gratia miracula edantur, nemo non videt, ultimum quoque hoc indicium ejusdem cum prioribus monetæ esse, & parum ad rem præsentem facere.

III. Quoniam itaque adeò fallacia sunt ista indicia

secundum se spectata (quanquam ne hæc quidem in Pontificiorum sic dictis miraculis deprehendere licet) nec certiora in promptu habent Adversarii, citius forsan è pumice aquam expresseris, quam ab illis argumenta, quibus evidenter probent, miracula sua vera & propriè dicta miracula esse. Quam argumentorum inopiam ipse Bellarminus agnovit, cum *Tom. II. Contr. lib. IV. cap. 14. §. Est autem* *ingenuè fatetur, ante approbationem Ecclesiæ non esse evidens de ullo miraculo, quòd sit verum miraculum, & non constare nobis certitudine, cui non possit subesse falsum, illam non esse illusionem Dæmonis: Dæmonem enim etsi non possit facere vere miracula, tamen posse facere apparenter etiam maxima quæque.*

LIII. Sed an forsan id evidenter credibile facere possunt? Hoc dubio procul intrepidè affirmabunt, urgebuntque auctoritatem & diligentiam Episcoporum, Theologorum, aliorumque doctissimorum Virorum, quibus miraculorum discretio in Papatu committitur. Man betrachte, inquit Autor Spec Brand. *part III. c. 9 §. 2* wie so große und fleißige Erforschung vorher gehen muß, ehe die Christliche Kirche neues Wunderwerck approbirt, dann diese Sack nicht beruhet etwa auf eines alten Weibes Testimonio, oder dieser oder jener Person Phantasie/ sondern es werden hier glaubwürdigste Zeugnisse der Bischöffe und Obrigkeiten examinirt, Ja es müssen offtmal die Zeugen solches mit einem Ayschmauch bekräftigen/ Gottsfürchtige und gelehrte Leute besichtigen und disputirn, ob es aus natürlichen Kräfften/ oder mit Willk des Teuffels zugegangen/ es werden alle Umstände betrachtet/ auff welche Weiß/ mit wa Gelegenheit/ zu welcher Zeit und Ort/ zu welchem End/ und in welcher Leute Anwesenheit solches geschehen/ darüber dann publica instrumenta aufgerichtet werden.

deit. Eadem repetuntur in Apol. Spec. part. III. sub finem capitis 9. Ipsum etiam Concilium Tridentinum sess. XXV. de venerat. Sanctorum & Imag. decernit, nulla admittenda esse nova miracula — nisi recognoscante & approbante Episcopo, qui simul atque de iis aliquid compertum habuerit, adhibitis in consilium Theologis, & aliis piis viris, ea faciat, quæ veritati & pietati consentanea judicaverit.

LIV. Verum Judices illi, quibus iudicium de miraculorum veritate in Papatu defertur, non sunt extrâ omnem suspicionem constituti, quia superstitionis, ad quam palliandam ac roborandam miracula urgentur, Patroni sunt, & videntur illi ipsi esse, qui rudem plebeculam miraculorum specie dementare omni animi contentione laborant.

LV. Deinde si vel maximè candidi & ingenui essent, tantum enim iudicium non esset sufficiens ad evidentiam hanc credibilitatis evincendam. Nam

1. Illi plerumque non viderunt, quæ contigisse dicuntur, sed alium ea narrantium testimonio nituntur. Fieri autem potest, ut hi ipsi testes sint ab aliis subornati ac pretio corrupti, qui vel factum ipsum vel quædam eius circumstantias fingant. Quo in casu totum Episcoporum ac Theologorum iudicium erroneum esse necesse est. In modo, quo unus homo miracula proponit, posse subesse falsum quis dubitet? cum possit mentiri, adde man se miraculum vidisse, cum non videtur verba sunt Melioræ diff. IIX. de anima sect. 3. §. 1. Et Card. Baronius ad an. DCIV. n. 40. In his, inquit, quæ videtur æstimatorum veritatem spectant quàm frequenter accidit fallaciam prudentissimos, nec in antiquis tantummodo, sed et in iuris, quæ facta dicuntur in eodem loco, quo ipsi sunt, & quo vivunt tempore, cum usus doceat, plurimis de-

monstrare supervacaneum esse putamus. Nota etiam est Erasmi querela *I. de rat. conc. Episcopis p̄is magis quàm eruditis aut cautis (est enim credula simplicitas) multa obtrudebantur conficta & inepta.*

2. Indicia, ex quibus Iudices isti vera miracula à falsis dignoscere volunt, non sunt ita comparata, ut evidens certitudo de veritate miraculorum ex illis haberi possit, sicut modò ostensum fuit. Quomodo ergò ex illorum iudicio nasci potest credibilitatis evidentia, si Indicia, quibus unice nititur eorum iudicium, non sint certa, sed fallere queant ipsosmet iudices?

3. Denique nobis, qui divinam Scripturæ S. auctoritatem admittimus, ex illa certum est, falsam ac erroneam esse doctrinam, quam miraculis suis confirmatam dicunt Pontificii. Unde nobis non solum non evidens, nec evidenter credibile est, vera esse miracula, quæ pro talibus habent & habenda esse decernunt iudices illi; verum etiam ex falsa doctrina, cujus robotandæ gratiâ afferuntur, ad Scripturæ S. auctissimam examinata, nobis certò constat, ea falsa esse, & iudices illos suo iudicio a vero longissime aberrasse, undecunque etiam error promanarit: verum enim miraculum non esse, quod ad falsam doctrinam confirmandam adhibetur, evidentissimum principium est.

LVI. Et sanè ultimum hoc de falsitate doctrinæ Pontificiæ tanto validius stringit mirabilarios, quanto accius ipsi propugnant, impossibile esse, falsam doctrinam veris miraculis confirmari. Quod dum vident, manibus pedibusque telum hoc à se amoliri conantur. Bellarminus postulat, ut *probemus*, doctrinam Pontificiam esse falsam, *quod tam audacter affirmamus.* Sed datum datas & adjuvicam usque repetitas validissimas probationes nostras dissimulat

Cardinalis, ut vel hoc pacto ictum declinet. Autor verò Speusippi Brand. altam iniecit viam, dicitque, assertum hoc nostrum petere id, quod est in principio: hanc enim jam questionem esse, an Pontificiorum doctrina falsa sit? Ejus autem negativam se probare manifestissimis miraculis, plane ad exemplum Christi Servatoris, veritatem doctrinæ suæ eod. in mundo demonstrantis, *Joh. A. 37, 38*; nos verò, dum falsitatem doctrinæ Pontificiæ objicimus, insistere Judæorum & Phariseorum vestigiis, idque loco probationis sumere, de quo quaeritur, & cujus contrarium argumento à miraculis petito probatur. Verba ejus, ut jacent, ita habent *part. III. cap. 9 § 2.* Ihr wendet zwar ein/ daß diese Wunderwerk der Papisten lauffen wider die wahre Lehr des Evangelii. Antwort. Dieser Entwurff ist ein schändliche petitio principii, dann dieses ist iko die Frage/ welches die wahre Lehr des Evangelii sey: Dieses beweisen wir mit öffentlichen und laubhafftigen Göttlichen Wunderwerken/ die iederinam bekant sein können: Und folgen hierin nach dem JESU Christo/ der uns also argumentum gelehrt/ dann Er auch also wider die Juden procediret, und bewiesen seine Lehr aus seinen Werken: Die ihn Verhohleten/ die uns dieses einwenden/ folgen nach den Juden und Phariseen/ welche damit Sie Christi Wunderwerk verurtheilen im Heu / unnen Sie zum Beweis die Conclusion. nuntius weil Christi Lehr falsch sey/ als müssen an d. sein Wunderwerk falsch seyn: da doch vielmehr die Lehr aus den Wunderwerken/ nicht aber die Wunderwerk aus der Lehr der Falschheit der Kirchen widerirt werden müssen. Et in Apul. *part. III. cap. 9 par. 9.* hiocumand wil die Wunderwerk/ aus der Lehr erstlich probiret haben. Wir sagen/ dieselben Ketzerischen modum procedendi haben erstlich die Juden wider Christum gebraucht/ welche/ dann sie Christi Wunder-

werck laugnen und hten/namen sie zum Beweis die Conclution, nemlich/ daß weil seine Lehr falsch sey/ müssen auch seine Wunderwerck falsch seyn; Nicht anderst als wie heut zu Tage die Predicanten wider uns auffgezogen kommen; weil der Catholischen Lehr von der Mess. Fegefeuer &c. falsch und wider die Schrift ist, müssen auch ihre Wunderwerck/ damit Gott solche Articul bekräftiget/ falsch seyn. Hæc ille.

LVII. Sed respondemus, i. falsò nos petitionis principii inludulari. Nam is principium petere dicitur, qui vel idem per idem, vel ignotum ac incertum per diversum quidem, sed æquè ignotum ac incertum probat. Neutrum autem nos facimus. Non prius, ut patet: aliud enim est, Pontificiorum miracula esse falsa, quod probatur, & aliud, Pontificiorum doctrinam esse falsam, quo illud probatur. Neque posterius: notius enim & certius est, Pontificiorum doctrinam esse falsam, quàm eorum miracula falsa esse. illud namque ex sola collatione doctrinæ Pontificiæ cum Scriptura S. constare potest, hoc non item, quoniam Scriptura S. accuratum discrimen inter vera & falsa miracula nusquam assignat.

LIX. Dicis: adhuc tamen in quæstione esse, anne Pontificiorum doctrina falsa sit, & negativam illos probare velle ex miraculis, quibus doctrinam suam confirmant, ajunt: evenus itaque id incertum & dubium esse, ac proinde ad probandum incertum, & dubium quid hanc deducisse à nobis auiduci.

LIX. Resp. Nihil absurdi esse, aliquis, quod ab adversario in dubium vocatur vel negatur, in illa quæstione controversa probationis loco adhibere, si illud vel sibi jam probaveris, vel ulterius, illo tante adversario, probare paratus sis. Jam vero dudum à nobis probatum fuit, & denudò

mius, si opus sit, probari poterit, doctrinam Pontificiam esse falsam. Recte itaque & sine ulla petitione principii à falsitate doctrinae ad falsitatem miraculorum Papalium concludere possumus.

LX. Quod 2. dicebatur, Pontificios sua argumentatione imitari Christum, id aequè falsum est. Christus enim doctrinam suam primò probabat ex Scripturis, deinde eam confirmabat miraculis, iisque non fictitiis aut dubiis, qualia sunt Pontificiorum miracula, sed quæ in conspectu ipsorum etiam hostium suorum faciebat ita evidenter, ut præter calumnias illi non haberent quod opponerent. *Circumibat enim totam Galilaam Jesus, docens in Synagogis illorum, ac prædicans Evangelium regni, & sanans omnem morbum & omnem languorem in populo*, uti narrat *Matthæus cap. 11, 21*. Christus, quamvis fateatur, opera quæ faciebat, refferri de se, quod missus sit a patre, *Joh. 1, 36*. tamen provocat ad testimonium Patris sui, & ad testimonium Scripturarum, quas diligenter scrutari jubet *v. 45*. Christus increpat Regulum, & sub ejus persona incredulos alios, quod sine miraculis credere non uerunt, *Joh. 11, 48*. & approbat illud Abrahami, fratres damnati ephoronis à miraculis ad Malen & Prophetas renitentis: *Hebræi 11, 13*. *Et Prophetas, audiant illos. Si Moysen & Prophetas non audieris, neque si quis ex mortuis resurrexerit, credes, Luc. 11, 31, 32*. Nil horum Pontifici faciunt, sed nyctes oracum instar Scripturae lucem reformidant, & priusquam ex illi doctrinam suam probatam dedecint, ordine planè preposito nectunt & spuria miracula in aciem producunt. Qui jure igitur se Christi exemplum imitari dicere queant, nondum intelligimus.

LXI. Nec obstat locus *Joh. 1, 37, 38*. quem subinde in

ore habent, ubi Christus ad Judæos ait: *Si non facio opera Patris mei, nolite credere mihi. Sin verò facio, et si mihi non credatis, operibus credite.* Tantum enim abest, ut Christus velit, nullo modo sibi credi debere absque miraculis, (quem sensum verbis Christi affingit Apol. Spec. Brand. part. III. cap. 9. p. 347.) ut contra, sicut antè Reguli, ita his ipsis verbis Judæorum incredulitatem redarguat, quòd absque miraculis doctrinæ suæ non crediderint. Operosè hactenus tam verbis quàm factis ostenderat Servator, se esse verum Messiam Dei filium, ut dudum Judæi id debuissent credere. Nihilo tamen minus, cum in porticu Salomonis aliquando ambularet, circumdederunt eum *Judæi, & dicebant ei: Quousque animam nostram suspendis? si tu es Christus, dic nobis ingenuè.* Respondet eis Jesus, & primò in memoriam ipsis revocat doctrinam suam, his verbis: *Dixi vobis, nec creditis,* innuens, sæpè id se docuisse firmisque è Scriptura petitis rationibus probatum dedisse, cui doctrinæ suæ merito absque ullo alio testimonio fidem habere debuissent, nisi de industria ipsi resistere voluissent. Cum verò eandem doctrinam suam additis quoque miraculis confirmasset, ad illa secundo loco provocat, dicens: *Opera, quæ ego facio in nomine Patris mei, hæc testimonium reddunt de me. Sed vos, ut docenti mihi non credidistis, ita nec operantibus creditis: quia non estis ex ovibus meis.* — *Lev. & Pater unum sumus.* 21. 22. seqq. Illuc audito suspensiores rursum lapides Judæi, ut lapidarent eum: rogati causam respondere, ob blasphemiam in se Christum lapidatos, quippe qui homo cum sit, fecerit se ipsum Deum: 21. 22. et Regem Servator, & primò ex Scripturis ostendit, nullius se blasphemiae rei esse, quod se & Patrem unum dixerit: deinde idem probat ex miraculis, quæ opera erant Patris mei, &

quæ

quæ nemo facere poterat nisi Deus pater suus. Unde infert, sic, cum opera illa fecerit, esse unum cum Patre. Si non facio opera Patris mei, nolite credere mihi. Sin verò facio, nisi mihi non credatis, operibus credite, ut cognoscatis & credatis, quòd Pater in me est, & ego in eo. v. 37. 38. q. d. Licet mihi divinitatem meam satis perspicuis verbis & argumentis adstruente credere debuissetis; quia tamen istud à vobis impetrari haut potuit, deduco vos ad opera, quæ inter vos feci. Fito igitur, ne credite mihi, si non facio opera, quæ nemo nisi Deus Pater meus facere potest. Sed si ex facio, ut facio, quoniam mihi citra miracula non creditis, quod tamen facere debuissetis, operibus istis credite, seu propter opera saltem mihi credite, ut vel sic tandem cognoscatis & credatis, quòd Pater in me est, & ego in eo, sive quòd ego & Pater unum sumus. Peribide, ut Joh. XII, 11. dicit. Credite mihi quòd ego in patre sum, ei qui non sum mihi, ex patre ipsa facta credite mihi. Hæc est genuina loci Johannis interpretatio, quem cum nunquam non nobis opponant Pontifices, non immerito eos alloquimur verbis Augustini, quibus ipse olim in simili causâ contra Manichæos usus est, ususque eundem contra Pontifices, si suo illi tempore viderent. Ita verò ait lib. XIII. contra Faustum. *Ecce enim in Evangelio perferitur & codice sacro Christum dicentem. Si mihi non credatis, operibus credite. & Ego sum qui testor, quod perhibeo de me. & quod monum perhibeo de me qui misit me pater. & non videtur contra vos inde proferri. ut contra vos, ut putatis, in quibus putatis me & meam eternam habere. sed testor, ut intelligatur de me. & si crederetis mihi, crederetis & mihi de me cum ille testatur. & habet illi. & perferatur, ut sitis eos: & si Moyses & Prophetæ non viderent, non si qui mortui resurrexerit, cre-*

dent ei. Unde huc existis? Unde confiditis? Scripturas tantâ auctoritate firmatas commendatasq; respuitis: miracula non facitis, quæ si faceretur, etiam ipsa in vobis caveremus per instruente[m] nos Dominum, & dicentem: Exurgent multi Pseudochristi & Pseudoprophetae, & facient signa & prodigia multa, ut fallant, si fieri potest, etiam electos: ecce pradixi vobis. Usque adeo nihil credi voluit adversus confirmatam Scripturarum auctoritatem!

LXII. Præterea 3. vanum commentum est, quod dicunt, nos, dum à fallitate doctrinæ Pontificiæ argumentamur ad fallitatem miraculorum, imitari Judæos & Phariseos. Illi enim videbant à Christo patrari ea opera, quæ non nisi divinâ virtute fieri posse ipsa eorum conscientia illis dictabat: nihil etiam fallitatis in ejus doctrina deprehendere poterant, & tamen ex mera malicia calumniabantur, Christum ope dæmonis facere miracula, doctrinamque ejus amplius audire nolebant. Nos verò talia Pontificiorum miracula non cernimus. Interim quia de plurimis eos gloriari novimus, doctrinam ipsorum, ad cujus confirmationem facta dicuntur miracula illa, libenter audimus, τὸ καὶ ἡμεῖς ἀναχένομεν τὰς ψευδᾶς, et ex τούτων ἡμεῖς Act. XVII, 11. & quia illam Scripturis minime consonam esse deprehendimus, tandem concludimus, neque miracula ista vera esse posse. Quem procedendi modum oro, quod dicitur, cælo distare à per veris Judæorum morem, doque, cæcus sit, qui non videat.

LXIII. Denique 4. quod modus hic nosser argumentandi *hereticus* proclamatur, & additur, doctrinam potius ex miraculis, non autem miracula ex doctrina altimari ac probari debere, id verò acerbum nimis est, & facilius dicitur quàm probatur. A nostris sanè partibus fiat ipse Deus, qui

qui miracula juxta doctrinam, cui confirmandæ quandoque præposterè adhibentur, examinare docet, *Deut. XIII, 1. Si forte eris in medio tui propheta vel somnians somnium, & dederit tibi signum vel portentum: Et venerit signum & portentum, quod locutus est tibi, dicendo: Eamus post deos alienos, quos non nosti, & colamus eos. Non obedies verbis propheta illius vel somniantis somnium illud.* Hic manifestè Deo signum aut prodigium Pseudoprophetæ rejicere & non recipere jubet, quia ad confirmandam & animis hominum instillandam falsam doctrinam de cultu deorum alienorum adhibebatur, vetatque deos alienos colere, etiam si prodigium, quod Propheta prædixerat, eveniret. Quod autem hoc aliud est, quam miracula ex doctrina æstimanda. & si hæc falsa sit, illa quoque contemnenda & pro falsa reputanda esse? Ita Servator *Matth. XXIV, 24.* Pseudochristi & Pseudopphetis facturis *signa ac prodigia magna faciant, ut in errorem inducantur, si fieri possit, etiam electi, si tamen habere prælibet, dicens: Nolite credere, Ecce prædicit vobis:* quare vero? quia falsum erat eorum præconium: Ecce hic Christus, ecce ille. Ecce in deserto, Ecce in penetralibus est.

LXIV. Item sentit Augustinus *L. X. de Civ. Dei cap. 12.* iniquitatem. Quæcumque miracula, siue per angelos, siue quocumque modo miracula decernuntur, ut Desuntius, in quo solo beatæ vite est vultum religionemq; commendent, ea verè ab eis, qui per eos, qui non secundum veritatem pietatemq; diligunt, fieri, si fieri in non operante credendum est. *Et seq. c. 16.* quædam, postquam de beata & sempiterna vita credendum sit, innumerat, qui se religionis ritibus colunt, si beata & fatuosa flagrantia à mortalibus exhiberi: an esset, qui dum convenit cultum uni Deo creatori omnium debere dicunt.

cunt. Respondet autem inter alia: Si tantum hi mirabilibus factis humanas animas permovent, qui sacrificia sibi expetunt: illi autem qui hoc prohibent, & uni tantum Deo sacrificari jubent, nequaquam ista visibilia miracula facere dignarentur, profecto non sensu corporis, sed ratione mentis preponenda eorum esset auctoritas. Ecce! iis angelis, qui soli Deo sacrificari jubent absque miraculis, credendum dicit Augustinus, præ illis, qui addit etiam miraculis sibi sacrificia expetunt. Quæ ratio, nisi quod horum doctrina falsa, illorum autem vera est? Theophylactus in cap. IX. Lucae. Dans eis potestatem contra malos spiritus, non ille contentus fuit, sed iussit etiam Evangelium predicare. Daret enim, ut is, cui concedita est doctrina, & predicare, & miraculum agere debeat. Tunc enim prædicatio per miracula confirmatur, miracula autem per prædicationem: multi enim multa miracula per demones fecerunt, quorum prædicatio signa non fuit, & miracula eorum ex Deo non fuerunt. Rursus in cap. XVI. Luc. Nunc nihil tam utile est ut scripturarum diligens scrutatio. Mortuorum suscitationem falsè & apparenter facere potest etiam diabolus, ut seducat imprudentes, seminans doctrinas de inferno dignas sua malitia: at eis, qui Scripturas probe scrutantur, nihil potest illudere. Illi enim sunt lucerna & lumen, quo lucente fur deprehenditur & manifestatur. Illis igitur credendum, & de mortuorum suscitatione non curandum.

LXV. Equidem quid clariùs pro nostra sententia dici possit, non video. Labet tamen etiam audire, quid inter ipsos Pontificios hac de re senserint viri docti. Alphonsus Salmero Tom. IX. tract. 50. p. 403. ita scribit: Adversus id verbum miraculis confirmatum nullum signum est admittendum. Tunc autem signa securè credimus, si doctrina verbe

Dei consenserit in Christo. Signa prætere à ejusmodi doctrinâ destituta, sunt falsa atque mendacia, & qualia Christus tribuit Pseudoprophetis, & Apostolus Antichristo venturo. Josephus Acosta lib. III. de tempor. novis. cap. 3. Omnibus miraculus Antichristi, quamvis magna ille præbeat, intrepida opponet Ecclesia fidem Scripturarum: atque hujus veritatis testimonio inexpugnabili omnes illius prastigias tanquam nebulas clarissimâ luce disjiciet — Et signa quidem infidelibus data sunt, Scriptura fidelibus. Idcirco primæva Ecclesia miraculis abundavit, cum essent infideles vocandi: at ultima Ecclesia, cum fideles vocati jam sint, plus Scripturâ quàm miraculis nititur. Quin etiam audacter dixerim, miracula omnia vana esse & inania, nisi Scripturâ approbentur h. e. doctrinam habeant Scripturæ conformem; Scriptura verò ipsa per se firmissimum veritatis argumentum est. Cum Hispano hoc consentit Lusitanus Andradius defens. Trident. fidei lib. II. ubi scribit, idè Augustinum contendere, Ecclesia certa atque firmam indicia sacris literis petenda esse, quia ab omni sunt falsitatis suspitione libera. Nam cum miracula, stupendâq; prodigia, quæ sæpe à viris sunt sanctissimis, Demonum operâ à perditis etiam & facinorosis fieri posse dicat, futurarumq; rerum prædictiones, & occultæ revelationes non modò piis, sed impiis quoque & flagitiosis hominibus accidere aliquando possint, falsa profecto hæc sunt plerumque, infirma etiam semper Ecclesia vera indicia. Quare sola divina oracula veritatis perpetuum domicilium, sedesq; firmissima illius vim & dignitatem demonstrant, & quantis sit à Deo muneribus exulta, quibusq; illustrata, mirabiliter declarant. Accedat denique testimonium recentiori Doctoris Pontificii Guilielmi Estii quæ in II. sent. dist. 7. §. 19. cum verba Christi Matth. XXIV. Nescite exire, nescite credere, adduxisset, hæc de suo addit:

*Notandum, quòd non dicit, disquirite diligenter signa, num
vera sint miracula: Nam precipua confirmatio fidelium esse
debet doctrina Ecclesie jam olim à Christo & Apostolis per in-
dubitata miracula confirmata, & ad posteros transmissa, ita
ut etiamsi Angelus de cælo aliud annunciet, non sit ei creden-
dum, Galat. 1. Similiter ergo credendum non esset, si pro falsa
doctrina per hereticos vera fierent miracula. Eant nunc Pon-
tificii, & hæreticorum receptaculum latius nonnihil exten-
dant, ut sua etiam dictis Patribus & Scriptoribus Pontificiis
subsellia ibi parari possint!*

LXVI. Et tantum etiam de altero dictum esto, de
veritate scilicet miraculorum Papalium, quam neque
evidenter probare, neque evidenter credibilem nobis
reddere potuisse Adversarios, ex dictis satis liquere arbi-
tror.

LXVII. Objiciat autem quis, ea, quæ hætenus ad
Pontificii argumenti vim infringendam disputata sunt,
æquè contra Christi ac Pontificiorum miracula militare. se-
qui enim ex illis, neque nos hodiè, neque olim Judæos, de
veritate miraculorum Christi certos esse potuisse, adeoque
hos non peccasse, quòd visis istis miraculis in eorum auto-
rem non crediderint; id verò Christo ipsi apertè repugna-
re, qui Judæos non semel in miracula sua oculos conjicere
jussit, eosque acriter increpavit, quòd post visa miracula fi-
dem sibi denegarent. *Si opera, inquit, non fecissem inter
eos, quæ nemo alius fecit, peccatum non haberent: nunc autem
& viderunt, & oderunt non solum me, verum etiam Patrem
meum, Joh. XV, 24. Si non facio opera Patris mei, nolite cre-
dere mihi. Sin verofacio, etsi mihi non credatis, operibus
credite, cap. X, 38.*

LXIX. Verum respondemus, negando consequen-
tiam.

tiam. Nam I. nobis certissimum est certitudine fidei, miranda Christi opera verè divina fuisse miracula. Id enim clarè satis testantur sacræ literæ, quibus, ut in cæteris omnibus, quæ tradunt, ita & in hoc propter *Joan. 6. 26* & divinam revelationem firmiter credimus.

LXIX. II. Longè dispar ratio est miraculorum, quæ olim Christus fecit, cum in terris ageret, & eorum, quæ in Papatu facta dicuntur. Christi enim miracula publicè in conspectu Judæorum edebantur, & in illis tot evidentia e-lucebant indicia, ex quibus probè consideratis non potuit non Judæis apertè constare, quòd vera essent miracula.

LXX. Nam *primo* quædam eorum non solum quoad productionis modum, sed & quoad ipsam facti substantiam omnem naturæ creatæ vim excedebant: qualia erant v. g. *suscitatio Lazari demortui, & illuminatio cæci nati, quibus non posse majora signa dari* Salmero statuit *Tom. IX. Tract. 51.* Neutrum horum miraculorum Christus in obscuro angulo patravit, sed prius coràm Judæis numero multis, *qui venerant ad Martham & Mariam, ut consolarentur eas de fratre suo, Joh. XI, 19;* posterius autem in præsentia discipulorum suorum. In utroque notabiles circumstantiæ concurrebant, ex quibus aliis quoque de evidentia facti colligere poterat. Nam Lazarum, postquam aliquamdiu decubisset, ante quadragesimam à vita abiisse, ejusque cadaver jam sepulchro illatum fuisse, omnibus Bethaniæ multisque vicinorum locorum incolis innotuerat, *Joh. XI, 17, 19, 21, 32, 33, 39.* Eundem à mortuis reuscitatum plurimi Judæorum, hac de causa catechizantes in Bethaniam advolantium, viderant, visoque eo de miraculo passim testati erant, *cap. XII, 9, 17.* Quin ipsi Pontifices ac Pharisei, insensissimi Christi hostes, cum in pleno consensu de toto hoc negotio deliberationem

institerent, nil quicquam deprehendebant, quod miraculi veritatem ullo modo dubiam vel suspectam reddere potuisset, *cap. XI, 47. XII, 19.* Similiter cæcum illum à nativitate cæcum fuisse, res vulgò notissima erat. Hinc vicini & alii, cùm præter spem visu eum donatum cernerent, admirabundi quærebant: *Nonne hic est, qui sedebat & mendicabat?* Affirmante autem ipso, se esse, porrò quærebant: *Quomodo aperti sunt tibi oculi?* *Joh. IX, 8, 9, 10.* Edocti modum ad Phariseos illum adducebant, quibus sciscitantibus denuò rem exposuit. Hi verò cùm dubitarent, utrum à prima nativitate cæcus fuerit, à parentibus ejus ad se accersitis id edificere cupiebant. Respondentibus illis: *Scimus, quòd hic est filius noster, & quòd cæcus natus est. v. 18, 19, 20.* rursum eum, qui cæcus fuerat, vocant, dicentes: *Da gloriam Deo. Nos scimus, quòd hic homo peccator est v. 24.* Ille verò nullis neque blanditiis neque minis à semel edita confessione se dimoveri passus, eandem non sine illusione Phariseorum tam à constantia repetiit, ut maluerit *δοξάζειν* fieri, quàm factum reclamante conscientia inficiari.

LXXI. Quia igitur, adhibito omni studio, omnibusque perpenſis circumstantiis, negare non poterant Judæi & Lazarum verè à mortuis excitatum, & cæcum illum visu donatum fuisse, necessariò sequitur, illis etiam evidens fuisse, quòd vera & propriè sic dicta miracula fuerint. Nam verè mortuum in vitam revocare, & cæco nato visum largiri, sunt opera omnem naturæ creaturæ vim excedentia. Ubi itaque de facti veritate evidenter constat, non poterit non simul evidens esse, quòd opus ipsum solà virtute divini productum ac verum miraculum sit. Exemplo est cæcus ille, de quo egimus: hic enim Dei manum, quæ visum sibi restitue-

tuerat, agnoscebat, dicens: *A seculo non est auditum, quod quis aperuit oculos cæci nati. Nisi esset hic à Deo, non posuisset facere quicquam* Joh. IX. 32, 33.

LXXII. *Secundò* in Christi miraculis concurrebat multitudo & frequentia operum, quæ itidem non clam sed in multorum conspectu edidit. Ita Matthæus cap. XIX. 16. refert, quod adduxerint illi demoniacos multos, & ejecerit Spiritus verbo, omnesque malè habentes sanavit, idque Marcus cap. 1. 33. dicit factum ante oculos totius civitatis Capernaum, quæ congregata erat ad ostium domus Simonis & Andrea, 29. 33. Quocunque introisset in vicos, aut in civitates, aut in villas, in plateis ponebant infirmos: & deprecabantur eum, ut vel simbriam vestimenti ejus tangerent: & quotquot tangebant eum, salvi fiebant, ait idem Marcus cap. VI. ult. & Matthæus cap. IX. 24. Imò Pontifices & Pharisei ipsi, quibus hæc miraculorum Christi multitudo fudes in oculis erat, apertè dicunt: *Quid fatimur? quia hic homo multa signa edidit? Si permiserimus eum sic, omnes credent ei*, Joh. XI. 47, 48. Plurimi de turba exclamabant: *Christus quum venerit, nunc signa plura edet istis, quæ hic edidit?* Johan. VII. 31. Quorum signorum tametsi pleni sunt Evangelistarum libri, Johannes tamen commemorat, multa & alia signa fecisse Jesum in conspectu Discipulorum suorum, quæ non sunt scripta in libro suo, c. XX. 30. & si scribantur per singula, nec ipsum mundum comprehensurum eos, qui scriberentur, libros, c. XXI. ult. Mirum autem ni in tanta tam miraculorum quam spectatorum copia fraus pelluxisset, si fallax dæmonis manus illi quicquam fuisset operata.

LXXIII. *Tertiò* concurrebat insuper multiplex & mirabilis modus operandi, ut I. quod sæpè per nudum impetum homines à desperatis morbis ac malignis Spiritibus

liberavit, mortuos in vitam revocavit, aliaque miranda opera peregit. Quò spectant illa efficacia imperativa & dicta facta: *Volo, mundus esto. Ac protinus mundata fuit illius lepra, Matth. IIX, 3. Ephphata, quod est, aperire. Et statim aperta sunt ejus aures, & solum est vinculum lingua ejus, ac loquebatur rectè, Marc. VII, 34, 35. Recipito visum: & confestim visum recepit, Luc. XIIX, 42, 43. Surge, tolle grabbatum tuum & ambula. Et statim sanus factus est homo ille, & sustulit grabbatum suum & ambulabat, Johan. V, 8, 9. Excute manum tuam. Et is extendit: ac restituta est sanitas sicut altera, Matth. XII, 13. Obmutesce, Spiritus imunde, & exi ab homine. Et exiit ab eo, Marc. I, 25, 26. Luc. IV, 35. Spiritus mute & surde, ego tibi impero, Exi ab eo, & ne posthac ingrediaris in illum. Et exiit, Marc. IX, 25, 26. Talitha Kumi, quod est, si quis interpretetur, Puella (tibi dico) surge. Et confestim surrexit puella & ambulabat, cap. I, 41, 42. Adolescens, tibi dico, surge. Et resedit qui erat mortuus, & cepit loqui, Luc. VII, 14, 15. Lazare, veni foras. Et prodiit qui fuerat mortuus, Joh. XI, 43, 44. Ieni. Et quum descendisset è navì Petrus, ambulabat super aquis, Matth. XIV, 29. Tunc excitatus increpavit ventos & mare, dicens, Tace & obmutesce. Et facta est tranquillitas magna, Matth. IIX, 26. Marc. IV, 39. Ne posthac ex te fructus nascatur in aeternum, Et arefacta est continuò ficus, Matth. XXI, 19. Quam efficaciam verborum Christi agnovit Centurio, dicens ad ipsum: *μόνον ἐπὶ λόγον, tantum dic verbum, & sanabitur famulus meus* Matth. IIX, 8. Luc. VII, 7. II. Quòd non rarò solo tactu sive manus sive vestimenti deploratæ valetudinis homines sanavit, Matth. IIX, 15. IX, 20, 21, 29, XIV, 36. XX, 34. Marc. XII, 10. VI, 56. Luc. IF, 40. III. Quòd absens quandoque morbos fugavit, Matth. IIX, 13. Marc. VII, 29, 30. IV. Quòd*

Quodd interdum miraculis adjunxit aliud opus Dei proprium, ut manifestationem cogitationum cordis, *Matth. IX, 4. XII, 25.*

LXXIV. Quæ sanè indicia adeò luculenta erant, ut Judæi, si animum adverterent, in conscientia convincerentur, vera esse miracula, quæ à Christo edebantur. Quod ipsum abundè testantur multorum voces, quibus hanc miraculorum Christi veritatem ingenuè fassi sunt. Illustre exemplum habemus in Nicodemo, Principe Judæorum, apertè dicente, *neminem posse ea signa facere, quæ Jesus faciebat, nisi fuerit Deus cum eo, Joh. III, 2.* Simile judicium tulèrunt alii prudentes & probi spectatores. Nunquam, ajunt, apparuit sic in Israël, *Matth. IX, 33.* Qualis est hic, quia ventus quoque & mare obediunt illi? *cap. IIX, 27.* Num hic est ille filius David? *cap. XII, 23.* Quid est hoc? quia cum auctoritate etiam Spiritibus immundis imperat & obediunt ei, *Marc. I, 27.* Nunquam sic vidimus, *cap. II, 12.* Vidimus & hæc incredibilia hodie, *Luc. V, 26.* Propheta magnus surrexit inter nos, & Deus visitavit plebem suam, *cap. VII, 16.* Hic est verè propheta ille, qui venturus est in mundum, *Joh. VI, 14.* Hinc factum, quod alii ipsum dixerint esse Johannem Baptistam, alii verò Eliam, alii verò Hieremiam, aut unum de numero Prophetarum, *Matth. XVI, 14.* nemo autem eum pro mago aut mancipio dæmonis habuerit, nisi prava ac adultera natio Phariseorum & Scribarum, paucorumque aliorum, qui cecos & stultos hosce Duces sequebantur, *Matth. IX, 34. XII, 24. Marc. III, 22. Luc. XI, 15, seqq.* quibus tamen non solum Christus ipse, sed & inter Judæos plurimi fortiter contradixerunt, *Joh. X, 21.*

LXXV. Sed quo tempore quoque in loco Pontificii inter nos, non dicam tot ac tanta, sed unicum saltem illis simile,

mile, tamque manifestis indiciis conspicuum opus patrârunt? cum tamen, id ut facerent, non tam nos quàm res ipsa dudum postulârit. Miracula enim patrantur potissimum propter errantes in fide, ut eorum vi ad veram fidei doctrinam amplectendam inducantur. Jam verò Pontificii mirabiliarii provincias urbesque nostras pervagantur, & omni conatu id agunt, ut, nos in fide errare, suam autem doctrinam veram esse, nobis persuadeant, idque non tam verbi quàm miraculorum à se editorum efficacia nobis persuadere volunt. Unde nihil magis necessarium æquitarique consentaneum est, quàm ut inter nos nostroque in conspectu specimen suorum miraculorum edant, sicut Christus olim inter Judæos, & Apostoli inter Judæos & Græcos convertendos sua miracula faciebant. Quid illi verò? Crepant miracula in Cimmeriis suæ Ecclesiæ tenebris inter eos (si credere fas est) patrata, quos rectè credere, jamque actu veræ Ecclesiæ membra esse statuunt; inter nos autem, quos ad eandem lidem inducere satagunt, nulla edunt; Et tamen miseri occinere nobis audent, Judæos eodem jure eademque facilitate potuisse Christi miracula in dubium vocare, quàm nos Papalia. Quo quid ineptius?

LXXVI. Atque ita perspicuè, ut arbitror, ostensum fuit, quàm ficulneum sit Pontificiorum argumentum pro probanda veritate Ecclesiæ suæ à miraculis peritum, quo tamen tantoperè sese efferunt, ut Autor Spec Brand. solum illud seductis in viam revocandis, & Catholicis (Pontificiis) in veritate confirmandis sufficere posse dicat; Valerianus autem M. ipsis portis inferi (quarum fortè robur bono seni non satis cognitum fuit) id opponere audeat. Possemus itaque hic meritò pedem figere, nisi Pseudocatholicorum si-
ve pertinacia siue impudentia longius progredi suaderet.

LXXVII.

LXXVII. Nempe audivimus suprà *ib. XXXI. seqq.* non solum Patres primitivæ Ecclesiæ, sed & Pontificios Scriptores fatentes, donum miraculorum dudum in Ecclesiâ decessisse. Horum verò apertissimis & solis radio scriptis testimoniis insuper habitis, recentiores Pontificii contrarium præfractè propugnant, jactantes, hodiernum quotidie in Catholica, quam vocant, Ecclesia miracula fieri. *Quotidie fiunt multa miracula Laureti in Italia, Sichemii & Halleti in Brabantia, Dettelbachii in Franconia, & alibi, vox est Martini Becani Jesuitæ part. II. Theol. schol. Tom. post. Tr. 1. c. VI. Cui acciuit Christophorus Haunoldus Jesuita Ingolstadiensis in notis responsoriis ad Herm. Conringii Concus. fund. fid. Pont. p. 98. qui jactat, Ecclesiam Romanam quotidianis miraculis satis superque condecorari, quæ licet à Deo plerumque fieri ob fines quosdam particulares, e. g. ad hunc vel illum sanctum honorandum, ad hunc vel illum articulum fidei Pontificie confirmandum, omnibus tamen unius sit finis universalis, ut sint testificatio Dei, illam esse genuinam Christi Ecclesiam, pro qua ea fiunt miracula.* Quod quâ fronte quovis modo faciant, non nullum fortassis operæ pretium erit, prius audire, quam finem dissertationi huic imponamus.

LXXIIX. Et quidem quod antiquioribus & melioribus seculis miraculorum donum indefinenter viguerit in Ecclesia Christiana, probare imprimis volunt ex Augustini *lib. XXI. de Civ. Dei cap. 8.* ubi Augustinus non solum dictis verbis asserat, suo tempore in nomine Christi miracula facta esse, verum etiam integrum catalogum nectat miraculorum ad corpora SS. Martyrum editorum.

LXXIX. Verum enim verò, si dicendum quod res est, locus hic Augustini manum falsarii alicujus expertus esse videtur.

detur. Quod ut clariùs pateat, summam istius cap. III. bre-
viter lectori benevolo exhibebimus.

XXC. Proponit Augustinus sub exordium hujus cap.
quæstionem quorundam, quæ causam sciscitabantur, cur
nunc non fiant miracula, quæ olim facta esse prædicaban-
tur? Responder ipse: posse se dicere, necessaria illa fuisse,
antequam mundus crederet, ad hoc, ut crederet mundus,
nunc verò, mundo credente, ea non amplius necessaria nec
requirenda esse. Deinde addit, etiam tuo tempore fieri mi-
racula, sed quæ non ita illustrata sint & divulgentur, quem-
admodum Christi & Apostolorum miracula. Verba ipsa,
ut ibi leguntur, ita habent: *Nam etiam nunc fiunt miracula
in ejus (Christi) nomine, sive per sacramenta ejus, sive per ora-
tiones vel memorias Sanctorum ejus, sed non eadem claritate
illustrantur, ut tanta, quanta illa, gloria diffamantur. Ce-
non quippe sacrarum literarum, quem diffamatum esse opor-
tebat, illa fuit ubique recitari & memorie cunctorum inha-
rere populi, hac autem ubicunque fiunt, ibi fiuntur non
à tota ipsa civitate vel quocunque commanentium loco. Nam
plerumque etiam ibi paucissimi fiunt, ignorantibus ceteris,
maxime si magna sit civitas, & quando alibi alii que narran-
tur, non tanta ea commendat autoritas, ut sine difficultate
vel dubitatione credantur, quamvis Christianis fidelibus à si-
delibus innotescant.* Post hæc narratur miraculum Medio-
lani factum, ubi cecus ad corpora Martyrum Praxidis &
Gervasii visum receperit, quod dicitur ad multorum noti-
tiam pervenire potuisse, cum plerumque magnitudo loci,
ob Imperatoris præsentiam & ceteram multitudinem. Ce-
terum subiunguntur pauciora alia miracula, Cathaginæ &
alibi locorum edita, de quibus paucissimis admodum con-
stiterit. Inter ea verò eminent, quæ referuntur de alio

lescen-

lescente ad memoriam dictorum Martyrum à malo genio liberato, de cæca muliere ad reliquias S. Stephani sanata, item de quinque mortuis, qui partim positi ad memoriam ejusdem Martyris, partim absentes ejus oleo uncti, aut tunica, quæ ad memoriam Martyris perlata erat, cooperi revixerunt. Hisce enumeratis additur, multa alia in promptu esse miracula, quæ, instituti ratione ita postulante, hic fuerint omissa. *Si enim, dicitur, miracula sanitarum, ut alia taceam, modo velim scribere, quæ per hunc Martyrem, id est, gloriosissimum Stephanum facta sunt in colonia Calamensis. Et in nostra, plurimi conscribendi sunt libri: nec tamen omnia colligi poterunt, sed tantum de quibus libelli dati sunt, qui retineantur in populis. Id namque fieri volumus, cum videremus antiquis similia divinarum signa virtutum etiam nostris temporibus frequentari, & ea non debere multorum notitia deperire. Nondum est autem biennium, ex quo apud Hipponem regium capit esse ista memoria, & multis, quod nobis certissimum est, non datis libellis, de iis, quæ mirabiliter facta sunt, libelli qui dati sunt, ad septuaginta ferme numerum pervenerant, quando ista conscripsi. Calama verò, ubi & ipsa memoria prius esse cepit, & crebrius dantur, incomparabili multitudine superant.*

XXCI. Hæc est summa hujus capituli, quod subinde nobis ceu Gorgonis caput obijciunt Pontificii, quando campum miraculorum prioribus seculis in Ecclesia factorum ingrediuntur. Sed cogitet mecum attentus lector, quomodo hæc colereant! Si enim tam grandia & illustria miracula tempore Augustini edita fuerint, qualia modo narrata audivimus, non immerito quis quaesierit, qui factum, quod adeò paucis, ut hic dicitur, ea innotuerint? Cui enim non cognitum est, quantus hominum confluxus

ad ejusmodi miranda & insolita opera fieri amet, quàmque celeri rumore ea, obscuro licet in loco facta, longè latèque disseminari soleant? Sanè cum Christus miracula patraret, tantus hominum concursus erat, ut ipsum premerent, *famaq; ejus statim in totam undique regionem emanabat, Matth. IV, 23, 24. Marc. I, 28, 32, 45. III, 7, 8, 9.* Idem hodiè-que fieri videmus, cum novi & insoliti quid contingit. Quæ ergò causa, quòd tot miracula, eaque non vulgaria sed eximia, in locis celeberrimis ac populosis, qualis Carthago fuit, in illustribus etiam personis facta adeò latuerint, ut ne quidem incolis eorum locorum omnibus innotuerint, sed plerumque paucissimis, ignorantibus ceteris? Adeunè somnolenti & rerum novarum incuriosi fuerunt illius ævi homines, ut talia non curarent? Profecto qui hæc dicere esse non videt, eum rerum humanarum valdè imperitum esse oportebit.

XXCII. Ista igitur dum mecum perpendo, facilè adducor, ut eruditissimi inter Pontificios Scriptoris Johannis Lud. Vivis & inter Reformatos Cl. Riveri sententiæ subscribam, quorum ille *comm. in h. l.* inter alia ita ait: *In hoc capite non dubium, quin multa sint addita, velut declarandi gratia, ab iis, qui omnia magnorum autorum scripta spurcis suis manibus contaminabant.* Hic verò in *Crit. sacro lib. IV, cap. 12* monet, in hoc capite miracula multa narrari, quæ omnia non capiunt exactam judicii limam, quàm in aliis August. operibus lectores sagaces observant. Et addit, huic notæ non resistari Censores Bellicos in Indice Expurgatorio, neque Hispanos Inquiltores in suo, neque Indicem Lusitanicæ manu metæ idque notandum esse lectari, ne semper, quæ ex antiquis veterum libris afferuntur, genuina esse putet, quod per Monachorum corruptelam non liceat. Hoc igitur etiam opus esse sacrorum & judicii libra.

XXCIII. Equidem, si con cetur locus detur, dixerim, falsarium, ut miratulis & Sanctorum reliquiis dignitatem aliquam autoritate Augustini, inter Latinos Patres maximi, conciliaret, hoc potissimum loco, quo de miraculis agit Augustinus, muscerdam suam piperi commodum ac securè immisceri posse, existimasse. Sed minus feliciter artem vereratorium ille didicisse videtur. Utut enim reliquum corpus omni studio abscondat, tantæ tamen auriculæ hinc inde prominent, quæ ipsum non minùs produnt, quàm unguis leonem.

XXCIV. Nam primò ipsa illa digressio de miraculis admodum est prælixa, & ab Augustini instituto ac ratione distreudi, quam in hisce libris de Civ. Dei observat, prorsus aliena: quod ipse ejus autor, quisquis ille fuerit, tandem animadvertisse videtur. Hinc post plurima enarrata miracula, ne digressio magis exeresceret, & lectori se suspectam redderet, Augustinum narrationem suam abrumpens introductus verbis: *Quid faciam? Urget hujus operis implendi promissio, ut non hic possim omnia commemorare quæ sunt: & procul dubio plerique nostrorum, cum hæc legent, dolebunt me tam multa prætermisisse, quæ utique meminerunt.* Quis iam hunc, ut ignorent, rogo, & cogitent, quom prælixa futuris sit facere, quod me hic non facere susceperis operis nequitias coërit. Si enim miracula sanitarum, ut alia taceam, modo velim scribere, quæ per hunc Martyrem, id est, gloriosissimum Stephanum facta sunt in olivæ Calamensis, & in nostra plurimè conficiunt sunt libri. Nempe eo finis hæc adducitur, ut credamus, cupiam ingentem miraculorum fecisse, quod solito prælixiore Augustinus in his enumerandis fuerit, quæ tot & tanta fuisse dicuntur, ut, nisi ad finem operis properandum esset, id genus plura recenseri,

imò integri libri de illis confici possent. Quamquam autem larvatus hic Augustinus narrationis suæ filum hæc verbis jam abruperat, ad ea, ut ipse loquitur, *quæ hoc opus urgebant, festinare compulsus*, nihilo tamen minus aliud statim miraculum de Petronia clarissima fœmina subnectit. Mox iterum narrationem claudit, dicens: *Fiunt ergo etiam nunc multa miracula, eodem Deo faciente, per quos vult, & quemadmodum vult, qui & illa, quæ legimus, fecit: sed ista nec similiter innotescunt, neque, ut non excidant animo, quasi glariâ memoriæ crebra lectione tunduntur, &c.* Rursus verò sui quasi oblitus novum coronidis loco addit miraculum de Paulo & Palladia à tremore membrorum beneficio S. Stephani liberatis. Ista autem desultoria locutus Augustini iudicio acri & exterso, ingenioq. ad miraculum acuto, quod in Ep. deduc. Vives laudat, & genuina ejus scripta sapiunt, planè non convenit. Suspicio à veteratore hæc idè ficta esse, ut crederemus, Augustinum tot miracula secano in pectore clausa habuisse, ut, licet non semel narrandi finem fecisset, tamen, secundum illud Servatoris: *Ex abundantia cordis os loquitur*, a novorum miraculorum additione sibi temperare non potuerit.

XXCV. *Deinde* illam objectionem non levem, quam ib. XCI. movimus, prævidit Pseudo-Augustinus nollet. Ei vero satis se occurrisse putat, quòd culpam non divulgatorum miraculorum conjicit in hominum istius seculi intempestivam taciturnitatem & negligentiam adeo supinam, ut progressu temporis libellos, quibus miracula consignata erant, in publico recitari necessum fuerit, ut homines eorum prorsus ignari essent. In exemplum illaudabilis hujus silentii adducit Innocentiam, fœminam primariam, quam Carthagine miraculosè a cancro, quem in mam-

nulla

illa habuit, sanata adeò tacitum tam grande Dei beneficium tenuisse ait, ut ne quidem matronis sibi familiaribus illud indicarit. Hoc miraculum, inquit sub nomine Augustini fabulator, cum audissem, & vehementer stomacharer, in illa civitate atque in illa persona non utique obscura factum tam ingens miraculum sic latere, hinc eam (Innocentiam) & admonendam & pene oburgandam putavi. Quæ cum mihi respondisset, non se inde tacuisse, quasvis ab eis, quas fortè inter matronas amicitissimas secum habebat, utrum hoc antea fuissent. Responderunt se omnino nescisse. Ecce, inquam, quomodo non taces, ut nec istæ audiant, quæ tibi tanta familiaritate iunguntur? Et quia breviter ab eâ quasiverant, fecit ut illis audientibus multumque mirantibus & glorificantibus Deum, totum ex ordine, quemadmodum gestum fuerit, indicaret.

XXCVI. Mirum sanè, cum mulieres quovis turture, ut ille ait, loquaciores esse soleant, Innocentiam adeò continentem linguam fuisse, ut tam ingens miraculum etiam matronis sibi familiares (quibus alias dicenda tacendaque concilio et fornice amant) clam habuerit. Parum abest, quin dicam. Interpolatorem nostrum fuisse monachum quempiam amicum, thorumque muliebrium non usquequaque proculum. Mirum autem mirum, si Innocentia adeò occultum habuit hoc miraculum, a quo Pseudo-Augustinus id audierit: aut enim, se, cum audisset miraculum factum esse, cum Innocentia de pertinaci silentio apostulasse. Dicat, si nesciat, cui id aperuerat Innocentia, (ut in precedentibus habetur) se id accepisse. Sed si hoc verum, colligitur inde, Innocentiam non ita taciturnam fuisse, qualis hic describitur: quod enim medico conceditur, probabile est eam magis fidei multo orantibus, quibus valde familiariter utebatur,

tur, commisisse. Colligitur etiam, miraculum hoc non adeo vulgo incognitum fuisse: vero simile namque est, medicum in illa civitate atque in illa persona non utique obscura factum tam ingens miraculum sine mora vulgasse, & quod Pseudo-Augustino nostro narravit, aliis quoque rerum novarum cupidis narrasse.

XXCVII. Præterea circa illud, quod de libellis publicè recitatis dicitur, novum emergit dubium. Si enim miracula cum omnibus suis circumstantiis in publico Christianorum cœtu è libellis prælecta fuerunt, necesse est, ut in omnium notitiam pervenerint & passim locorum innotuerint. Quæ ergo causa, quòd reliqui Patres, saltem qui Augustino obviaverunt, eorundem miraculorum ne verbo mentionem faciant?

XXCIX. Respondet fabulator: *Nam & ubi diligentia est, quæ nunc apud nos esse capit, ut libelli eorum, qui beneficia percipiunt, recitentur in populo, semel hoc audiunt, qui usunt, pluresque non assunt: ut nec illi qui assuerunt, post aliquot dies quod audierunt mente retineant, & vix quisquam reperitur illorum, qui ei, quem non assuisse cognoverit, indicet quod audivit.*

XXCIX. Profectò aut falsum dicit noster ille, aut homines eà ætate memoriâ & linguis caruere oportet. Quis verò credet, homines adeo labilis fuisse memoriæ, ut tantorum miraculorum, licet semel tantum auditorum, tantò, post aliquot nempe dies obliti fuerint? *Memoriam utramcumque voce perdidissemus, si tam in potestate nostra esset oblitisci quàm tacere, scitè inquit Tacitus præf. in vitam Agricolæ.* Cui persuadebitur, vix quempiam eorum, qui præsentem fuerant, absentibus amicis indicasse, quod audierat? Sed non fuisse eos adeo oblitiosos aut mutos, ille, qui cum nobis

bis res est, tandem ipse fatetur. Narrat enim è vestigio aliquod *miraculum*, quod *non majus*, quàm priora, *sed tam clarum* atque *illustre* dicit, ut *nullum arbitretur esse Hipponensium*, qui hoc *non vel viderit, vel didicerit, nullum, qui oblivisci ulla ratione potuerit*. Sin verò Hipponensium tanta fuit curiositas & memoria, non video, quo colore cæteris Poenis, non sanè crassiori sub aëre natis, ea denegari possit?

XC. Accedit, quòd nugator in hac narratione suà non semel sibi ipsi stante pede contradicat. Nam miracula suo tempore facta à paucissimis sciri ait, *maximè si magna sit civitas*. Mox verò miraculum Mediolani ad corpora Martyrum Protasii & Gervasii factum multis potuisse innotescere scribit, *quia grandis est civitas*. Ergò secundum ipsum magnitudo urbis facit, ut miraculum divulgetur & non divulgetur. Similiter cum de Innocentia, cujus suprà mentio facta, sermo ipsi est, *in illa civitate* (Carthagine) atq; *in illa persona non utique obscura factum tam ingens miraculum latuisse* scribit. Postea verò miraculum de Petronia clarissima foemina, in eadem urbe factum enarrans exclamat: *Clarissima foemina est, nobiliter nata, nobiliter nupta, Carthagine habitat; ampla civitas, ampla persona rem latere non sinit*. Sed quid est propria vineta cædere & suo se indicio foricis instar prodere, si hoc non est? Nimirum *mendacem oportet esse memorem* vetus verbum est, & *scitè mentiri est ita mentiri, ne deprehendi possis*, ait Pseudocheus apud Erasmus in colloquiis. Quò autem facilius audaculus hic deprehendi potuit, eò majorem sive negligentia sive fraudulentia culpam incurrunt Bellarminus, Suarezius, Tannerus, Autor Spec. Brandeburgici, Keddius, cæterique Papæ sputum lin-

gentes, qui tam putidas merces pro S. Augustini pastillis nobis vendere haut erubescunt. Quas ut in posterum sibi retineant suisque obsecratis hominibus proponant, rogo. Nobis enim hisce talibus non facile imponent, qui dudum didicimus, quod aliter longè catuli oleant, aliter fues.

XCI. Ut itaque concludam, videtur Augustinus per miracula suâ ætate facta (modò hæc Augustini verba sint, quibus suo quoque tempore miracula fieri asserit) quæ paucissimis cognita, à plurimis verò ignorata dicit, intellexisse opera divinæ providentiæ, quæ hodiè etiam inter nos contingere nemo temerè negabit, ut quando hic vel ille præter omnium spem à graviore & desperato morbo liberatur, manifesto & imminente periculo subducitur, &c. Hæc enim talia sunt, quæ Deo meritò accepta feruntur, nec tamen in vulgus nota sunt. Tam lato autem significato Augustinum miraculi vocem sæpè usurpare, constat inter alia ex *lib. IX. Confes. cap. 6.* ubi inter miracula Dei numerat, quod filio suo Adeodato tam excellens ingenium dederit, ut quindecim annorum adolescens multos graves & doctos viros superârit. Ad ista igitur singularia divinæ bonitatis ac providentiæ opera respexit h. l. videtur Augustinus: quibus postea insubidus fortè Monachus præter ejus mentem allevit propriè dicta & eximia miracula, quæ, si facta fuissent, latere minimè potuissent.

XCII. Confirmat hanc suspitionem, quod quæ de miraculis ad reliquias S. Stephani factis hic narrantur, ea verbotenus reperiantur *serm. VII. de Sanctis*, quem tamen dubium esse notat Andr. Rivetus *Crit. sac. l. IV. c. 16.* nec in indiculo Possidii reperiri, adeoque ambiguum esse, fatetur
Pos-

Possevinus apud Rob. Cocum *in Censura Scriptorum* p. 364. Confirmant eandem aperta Augustini testimonia *ib. XXXII.* adducta, præsertim verò illud ex *lib. de verâ rel. cap. 25.* quo disertè fatetur, *miracula in sua tempora durare permissa non esse.* Cum hoc verò Augustini asserto ingentem illam miraculorum copiam, quæ *c. 8. lib. 22. de Civ. Dei* memoratur, consistere non posse, patèr est.

XCIII. Dixeris, Augustinum verba, quibus negat, suo tempore miracula facta fuisse, solum intellecta voluisse de certis miraculis, quæ Apostoli ediderunt, non verò de miraculis in genere, & speciatim locum ex *lib. de verâ rel.* productum hunc in modum explicasse *lib. 1. Retract. c. 13. Quod dixi, nec miracula illa in nostra tempora durare permissa sunt, ne anima semper visibilia quæreret, & eorum consuetudine frigeret genus humanum, quorum novitate flagravit: verum est quidem: non enim nunc usque, cum manus imponitur baptizatis, sic accipiunt Spiritum S. ut loquantur linguis omnium gentium: aut nunc usque ad umbram transeuntium predicatorum Christi sanantur infirmi, & si qua talia tunc facta sunt, quæ postea cessasse manifestum est. Sed non sic accipiendum est, quod dixi, ut nunc in Christi nomine fieri miracula nulla credantur. Nam ego ipse, quando istum ipsum librum scripsi, ad Mediolanensium corpora Martyrum in eadem civitate cæcum illuminatum fuisse, jam noveram, & alia nonnulla, qualia tam multa etiam istis temporibus fiunt, ut nec omnia cognoscere, nec ea, quæ cognoscimus, enumerare possumus.*

XCIV. Verumenimverò etiam hæc glossa à mirabiliarii cujusdam magis quàm Augustini manu videtur profecta esse. Nam i. Augustinus *lib. de verâ Rel.* miracula in sua tempora non perdurasse dixerat, hanc ob causam, *ne animus semper visibilia quæreret, & eorum consuetudine frigeret genus humanum, quorum novitate flagravisset.* Hæc verò ratio satis indicat, eum loquutum fuisse, non de certis quibusdam miraculis, puta de dono linguarum tempore Apostolorum ad manus impositionem baptizatis concessio, aut de sanatione infirmorum beneficio umbræ Apostolorum peracta, &c. (quemadmodum hæc glossa vult) sed de miraculis in genere. Nam si quædam tantum tempore Apostolorum usitata miracula cessasse, alia tamen eaque satis illustra, nempe mortuorum resurrectionem, cæcorum illuminationem, &c. in magna etiam copia suo tempore fieri concessisset Augustinus, tum utique periculum adhuc fuisset, *ne animus semper visibilia quæreret, & eorum consuetudine frigeret genus humanum, quorum novitate flagravisset.* Hanc autem ob causam delisse suâ ætate miracula dixerat Augustinus. Necesse igitur est, eum de omnibus in universum miraculis propriè dictis loquutum fuisse, cum ea cessasse scripsit. Taceo, quòd *d. l.* aperte majores posteris contradistinguit, & de illis affirmat, quòd *visibilia miracula* (hæc verba generaliora sunt, quàm ut ad certa quædam Apostolorum miracula restringi queant) sequuti sint; his verò dicit ea non esse necessaria, cum Ecclesia Catholica per totum terrarum orbem jam diffusa sit. Verba ipsa *ib. XXXII.* legenda proposita sunt, quòd lectorem remittimus. 2. quæ de tam mul-

multis miraculis Augustini avo patratis hic annectuntur, *ut nec omnia cognosci, nec cognita enumerari potuerint*, ea, nisi me omnia fallunt, ex eadem pharetra deprompta sunt, ex qua illa, quæ *capiti 8. lib. 22. de Civ. Dei* præter Augustini mentem intrusa diximus; certè eidem difficultati obnoxia sunt, quam *suprà ch. XXXI.* tetigimus.

XCV. Possem benevolo lectori videri extrà chorum saltasse, & loco Augustini vindicando diutius, quàm par erat, inhæsisse. Verùm cùm locus iste apud Scriptores Papæ causam agentes in hac materia utramque paginam faciat, & incauto lectori facilè imponere possit, de eo tantum hic monere visum fuit.

XCVI. Solent prætereà illi ex dialogis Gregorii, ex Bedæ item, & Sanctorum legendis (quas vocant) deploratæ causæ suæ aliquod præsidium petere. Sed cui ignotum est, Gregorium & Bedam veris multa fabulæ propiora admiscuisse? Cocus sanè *in Censura p. 417.* materiam dialogorum Gregorii *valde fabulosam, valde ridiculam* esse dicit, idque plurimis exemplis ibidem ostendit. Centuriatores Magdeb. *Cent. VI. c. 10. col. 678.* apertè scribunt, *miracula patrum*, quæ in dialogis suis Gregorius enarrat, *pleraq. aut fabulosa esse, aut manifestè impia, nec obscure falsam speciem religionis præ se ferre.* Casaubonus *Ex. XVI. ad an. Baron. n. CII.* Bedæ quidem pietatem & zelum promovendæ religionis suspicit & veneratur: at facilitatem in credendis multis, quæ priora secula non crediderant, admodum suspectam se habere profitetur. Similia vide apud Jo. Dallæum *l. 1. de usu patrum c. 3. τὸ Φιλομυθεῖν enim & τὸ κενόπαιδον* duo illa *vicia historiam Ecclesiasticam miris modis depravarunt.*

conquerente Casaubono *Ex XIII. n. 6.* Nec poterunt Pontificis incognita esse, quæ hanc in rem bene monet ipsorum Canus, insignis Theologus, quique unus ex Tridentinis Patribus fuit, *lib. XI. LL. Theol. cap. 6.* Negare non possumus, ait ille, viros aliquando gravissimos, in divinarum præsertim prodigiis describendis, sparsos rumores & excepisse, & scriptis etiam ad posteros retulisse. Quâ in re, ut mihi quidem videtur, aut nimium illi sibi, aut fidelium certe vulgo indulserunt, quod vulgus sentiebant non tantum ea facile miracula credere, sed impense etiam flagitare. Itaque signa nonnulla & prodigia sancti quoque memoria prodiderunt, non quod ea libenter credidissent, sed ne deesse fidelium votis viderentur — Nec ego hic libri illius auctorem excuso, qui speculum exemplorum inscribitur; nec historie etiam ejus, quæ legenda aurea nominatur. In illo enim miraculorum monstra sapius, quàm vera miracula legas; hanc homo scripsit ferrei oris, plumbei cordis, animi certè parum severi & prudentis. Veteres excuso & sanctos & eruditos viros, quorum & libros & nomina volentem ascribere pudor me ac religio vetaret, nisi contrà vereretur, ne mea hæc taciturnitas plerisque causa esset, ut aut dampnarent, quæ non intelligerent, aut errore vario circum sanctorum omnium historias vagarentur. Atque Theologum etiam admoneri opera pretium est, ne id statim illi persuasum sit, omnia, quæ magni auctores scripserint, undique esse perfectæ. Nam & labuntur aliquando, ut ille ait, & oneri cedunt: & indulgent in geniorum suorum voluptati, vulgoque, ut dixi, interdum indulgent: nec semper intendunt animum, & nonnunquam fatigantur, adeò, ut Ciceroni Demosthenes dormire,

Horatio verò Homerus quandoque ipse videatur. Summi enim sunt, homines tamen. Qua ego eadem de Beda atque Gregorio jure forasè ac verè dicere possum. Quorum ille in Historia Anglorum, hic in dialogis quadam miracula scribunt vulgò jactata & credita, quæ hujus præsertim seculi Aristarchi incerta esse censebunt. Equidem historiam illas probarem magis, si earum auctores severitati judicii curam in eligendo majorem adjunxissent. Hæc ille, cujus limato judicio meritò, ut speramus, nobiscum acquiescent, quotquot inter Pontificios Cani similes id est prudentiores sunt: reliquos enim, qui nondum nugari desierunt, non est quòd magnoperè curemus.

XCVII. Denique, ut probent, ultimis hisce temporibus in Ecclesia Romana facta esse & etiamnum fieri plurima miracula, ablegant nos in Indiam, ubi à Francisco Xaverio, Indiarum Apostolo dicto, maxima miracula edita narrantur; vel, si India nimis remota nobis videtur, ad Divam Virginem Lauretanam, Ottingensem, Brandisianam, Cellensem, Sichemiensem & Hallensem, cujus in singulis hisce locis patrata miracula passim decantata literis etiam consignarunt Franc. Turtianus *libr. adversus Vergerium* Horatius Tursellinus *in Hist. Lauretana*, Martinus Eisengrimius *in libello de Diva Ostingensi*, Justus Liplius *in Diva Virgine Hallensi, & in Diva Sichemienfi sive Aspricollæ*.

XCIIX Sed quod ad Xaverium attinet, non præter causam mirantur viri docti, cur, si potestate miracula edendi polluit, donum linguarum, quod ad conversionem infidelium vel maximè necessarium erat, denegatum ei fuerit;

Ep. s. ita scribens: Si nos linguam calleremus Japonicam, non dubito quin plurimi fierent Christiani. Faxit Deus, ut brevi eam addiscamus, tum demum aliquam Christiana rei navabimus operam; nam nunc quidem inter eos tanquam muta statua versamur, multa enim illi de nobis & dicunt & agitant, ad qua nos scilicet obmutescimus, patrii ipsorum sermonis ignari. Mirantur etiam, cur Xaverius in Epistolis, quas de rebus Indicis conscripsit, de miraculis suis magis mutus sit quàm piscis. Mirantur denique, quòd tanta miracula apud Indos Orientales, in nostro continente degentes, nulla autem apud Indos Occidentales sive Americanos facta sint, cùm tamen hi, quippe à nobis rerumque nostrarum notitia remotiores, magis illis indiguissè videantur.

XCIX. Quæ verò de miraculis *Ψευδοπατρις* Laurentæ, Hallensis, Aspricollis, &c. non solum loquuntur, sed & scribunt Jesuitæ, cæterique, quos Romana illa Siren incantavit, ea fortè fidem apud nos invenirent, si eo essemus ingenio, quo fuit Sacerdos ille, cui, Cano teste *lib. XI. LL. Th. c. 6. persuasissimum erat, nihil omnino esse falsum, quod semel typis fuisset excusum.* Sed benè novimus, ea miraculorum figmenta dudum à viris doctis fuisse explosa, inprimis verò à Petro Paulo Vergerio, Clementis VII. Pontificis quondam in Germaniam Legato, nostram postea religionem amplexo, & post ipsum à Matthiâ Berneggero in *Hypobolimæa D. Maria Despara Camera sive Idolo Laureano dejecto*, & Georgio Thomsono, Scoto-Britanno, in *Indice veritatis adversus Lipsium lib. posteriori.*

C. Hos & alios qui leget, sumptibus, scio, parceret, si sapit, neque facilè ad loca illa, superstitionis potiùs quàm miraculorum plena excurreret; multò autem minùs in Indiam ad exploranda Xaverii miracula navigabit. Nobis sanè, quibus dictum Servatoris: *Nolite exire, nolite credere*, scriptum est in animo, eousque provehi neque lubet neque vacat. Vela igitur contrahimus, & in tutiorem, quem Augustinus toties nobis monstrat, portum cymbam nostram cogimus. *Dominus noster*, inquit ille lib. de unit. Eccl. c. 10. *præmunire voluit aures nostras adversus eos, quos procedentibus temporibus exurrecturos esse prædixerat, & dicturos: Ecce hic Christus, ecce illic. Quibus ne crederemus admonuit.* Nec ulla nobis excusatio est, si crediderimus contra vocem Pastoris nostri tam claram, tam apertam, tam manifestam, ut nemo vel obtusus & tardus corde posset dicere, non intellexi. Et c. 16. *Robusta, & firma veritate subnixæ documenta, quibus causam suam tueantur, invenire non possunt, & volunt videri aliquid dicere, dum tacere erubescunt, & inania loqui non erubescunt. Remotis ergò omnibus talibus, ecclesiam suam demonstrent, si possunt, non in sermonibus & rumoribus, non in conciliis episcoporum suorum, non in literis quorumlibet disputatorum, non in signis & prodigiis fallacibus, quia etiam contra ista verbo Domini præparati & cauti redditi sumus; sed in præscripto legis, in Prophetarum prædictis, in Psalmorum cantibus, in ipsius Pastoris vocibus, in Evangelistarum prædicationibus & laboribus, hoc est, in omnibus canonicis sanctorum librorum auctoritatibus. Nec ita, ut ea colligant & commemorent, quæ obscure vel ambigue vel figuratè dicta sunt, quæ*

qua apertissimè dicta sunt, firmâ fide teneantur. — Omissis ergò morarum tendiculis, ostendant ecclesiam vel in solo Papatu perditis tot gentibus retinendam, vel ex Papatu in omnibus gentibus reparandam atque adimplendam; & sic ostendant, ut non dicant. — Ideò verum est, quia illa & illa mirabilia fecit Donatus vel Pontius, (Divâ Lauretana, Hal- lensis, Aspricollis, Dominicus, Franciscus, Xaverius) vel quilibet alius, aut, quia homines ad memorias mortuorum nostrorum orant & exaudiuntur, aut quia illa & illa ibi contingunt, aut quia ille frater noster, aut illa soror nostra tale visum vigilans vidit, vel tale visum dormiens somnia- vit. Removeantur ista vel figmenta mendacium homi- num, vel portenta fallacium Spirituum: aut enim non sunt vera qua dicuntur, aut si hereticorum aliqua mira facta sunt, magis cavere debemus: quòd cum dixisset Dominus, quosdam futuros esse fallaces; qui nonnulla signa facienda etiam electos, si fieri posset, fallerent, adjecit vehementer commendans & ait, Ecce pradixi vobis. Unde & Aposto- lus admonens, Spiritus autem manifestè dicit, quia in novissimis temporibus recedent quidam à fide, intendentes Spiritibus seductoribus, & doctrinis demoniorum — De- visis autem fallacibus legantur qua scripta sunt, & quia ipse Satanâs transfigurat se tanquam angelum lucis, & quia multos seduxerunt somnia sua; audiant etiam, qua narrent Pagani de templis & diis suis mirabiliter vel fa- cta vel visa, & tamen dii gentium demonia, Dominus autem cælos fecit. — Ad ipsam verò salutem ac vitam æter- nam nemo pervenit, nisi qui habet caput Christum. Habere autem caput Christum nemo poterit, nisi qui in ejus corpore fuerit, quod est Ecclesia, quam sicut ipsam caput in scripturis sanctis canonicis debemus agnoscere, non in variis hominum

rumoribus & opinionibus, & factis & dictis & visis inquire-
 re.—Utrum ipsi Ecclesiam teneant, non nisi divinarum scri-
 pturarum canonicis libris ostendant.—Hac sunt causa nostra
 documenta, hac fundamenta, hac firmamenta. Legimus in
 Actibus Apostolorum dictum de quibusdam credentibus, quod
 quotidie scrutarentur scripturas, an hac ita se haberent. Quas
 itaque scripturas, nisi canonicas legis & prophetarum? Huc
 accesserunt Evangelia, Apostolica Epistolae, Actus Apostolo-
 rum, Apocalypsis Johannis. Scrutamini hac omnia, & eruite
 aliquid manifestum, quo demonstretis, Ecclesiam in solo Pa-
 patu remansisse—Sed aliquid proferte, quod non egeat inter-
 prete, nec unde convincamini, quod de alia re dictum sit, &
 vos illud ad vestrum sensum detorquere conemini.—Si autem
 non potestis, quod tam justè à vobis flagitamus, ostendere,
 credite veritati, conticescite, obdormiscite, à furore exper-
 giscimini ad salutem. Rursus l. II. de serm. Domini, circa fi-
 nem: Illud ad rem maximè pertinet, ne decipiamur tenden-
 tes ad contemplationem veritatis, non solum nomine Christi,
 per eos qui nomen habent, & facta non habent, sed etiam
 quibundam factis atque miraculis. Dominus enim monuit,
 ne talibus decipiamur arbitantes ibi esse invisibilem sa-
 pientiam, ubi miraculum visibile viderimus—Legat quis,
 quae ipse Dominus dicit de Pseudoprophetis: Tunc si quis
 vobis dixerit, Ecce hic est Christus, aut illic, nolite credere:
 surgent enim Pseudochristi & Pseudoprophetae, & dabunt
 signa magna & prodigia, ita ut in errorem ducantur etiam
 electi: ecce pradixi vobis: Quàm ergò mundo & simplici
 oculo opus est, ut inveniatur via sapientiae, cui tanta malo-
 rum & perversorum hominum deceptiones erroresq. obstre-

PL. REVERENDO CLARISSIMOQUE
V I R O
DN. M. SEBASTIANO NIEMANNO,
LUBECENSI,
Q U O

DE MIRACULIS

PUBLICÆ ET PRO SUMMIS IN THEOLOGIA
HONORIBUS CONSEQUENDIS
IN ACADEMIA JENENSI
PRID. KL. FEBR. ANNO M. DC. LV.
DISPUTARET,
EX ANIMO GRATULANTUR
CONVICTORES.

Cum sua desperent aliter se posse tueri
Vana reperta Itali, & quæ plurima falsa Tonan-
tis

Assuit indubio verbo male-credula turba,
Qui sapiunt metuuntque DEUM, discernere norint,
En quid agant! quæque afflictiis fiet ultima rebus
Spes super! Admiranda crepat, portentaque jactat
Prodigiosa cohors, de se si creditur ipsi.
Et bene, quod remover testes, quod distita longè,
Quod peregrina citat, ne se sibi proderet ipsa.
Nam vel in extremis ea facta leguntur Iberis,
Aut apud Æthiopas alio sub sole calentes,
Nilus ubi pariter sese confundit & ista,
Unde aderit nemo, qui testis dicta refuter.

Si licet innumeras Italorum evolvere fraudes,
Insidiæque doli que patent ab origine primâ,
Musa rogata refer, quando hæc dementia cepit?
Quis furor hos agitet, mentemque effascinet ipsam?

An

5
- An sceleri monstravit iter male-suada superbi
Pectoris ambitio? dum recto tramite honores
(Quos virtute decet meritisque ambire stupendis)
Desperant, gressumque ferunt anfractibus istis?
An quia sacra fames, & opum imperiosa libido
Exstimulat clerum, surgunt tanto agmine nugæ?
Scilicet ex imo manes Acherunte cientur,
Nocturnos fingunt lemures animasque vagantes,
Lustrali quas solus aqua magicisque susurris
Insubidus statim Monachus compescit & arcet.
Aut etiam miseras torquent Cacodæmones umbras
Ardenti in furno, aut purganti fortè favillæ;
Quas tamen, ô certè mirum! vel charta repentè
Bullata exstinguet, vel rancida Missa levabit.
Fallimur aut hæc sunt, quæ vulgo retia tendunt,
Quæque dolos peperere atque hæc miracula falsa.
Tantum religio potuit suadere malorum!

Nos quibus est nasus, queis lavâ in parte mamillæ
Plus salit, hæc præeunte DEO magnoque Luthero
Romanæ dudum ridemus somnia turbæ,
Et vetulis credenda damus; Semuncia mentis
Hisce super sit quæso viris? quin protinus ille
Naviget Anticyras, hæc qui deliria credat,
Dummodo sufficiat stolido, quod nascitur isthic.
Ite leves nugæ, miracula vana valete,
Ite, sat est, dudum mentes tenuistis aniles,
Et quamvis avidas (bona ~~vedigalia~~) dexteras
Pontificis sarraastis, opum nunc claudite rivos.

Fortè olim, quando tenerum pietatis ovile
Surgit, & in cunis Ecclesia vagiit infans,
Hòc opus auxilio, & nascentia sacra fovenda;
Nunc ubi facta fides, atque illa valentior ætas
Successit, solidæque suo stant robore vires,
Abnuvit illa DEUS, neque defensoribus istis
Tempus eget. quæ visa olim, nunc credere fas est.

Te verò, qui certa doces discernere falsis,
NIEMANNE, & monstras, quid distent æra lupinis,
Ecathedrà & scripto, quonam TE carmine nostra
Musa canet, clarumque feret super æthera nomen?
Dum latebras fraudumque aperis miracula, certè
Quod stupeamus habes; & sunt miracula vera
Ingenii cœlestis opes, & mellea fandi
Copia, & adductæ magnum rationis acumen,
Ni pudor in faciem TE dilaudare vetaret,
Oraque sufficerent virtuti exilia tantæ,
Non ea carminibus nunc esset (crede) tacenda.
Olim quando suis TE sancta Ecclesia rebus
Admoveret, uberiore tubâ resonare licebit.

F I N I S.

